

通鑑綱目

廿二

武帝

魏東魏


東 京 圖 書 館				
漢書門	正史類	函架	冊號	冊
	五	八	九	七

漢 書 門				
類	號	函架	冊	冊
五	九	六	五	七

內閣文庫		
漢	九	九
冊	七	六
架	一	七
函	三	三

內閣文庫		
番號	漢	5967
冊數	97 (51)	
函號	283	35

五十二



資治通鑑綱目卷之三十二

淺草文庫



起癸丑梁武帝中大通五年魏孝武帝永熙二年○盡丁卯梁武帝太清元年魏文帝大

統十三年東魏孝靜帝武定五年 凡十五年

癸丑梁中大通五年 春正月魏大丞相歡襲秀容

殺爾朱兆 **考異** 提要無大字後竝同

兆至秀容分付險隘高歡揚聲討之師出復止者數四兆意怠歡揣其歲首當宴會遣竇泰以精騎馳之一日一夜行三百里歡以大軍繼之兆軍驚走泰追破之兆縊死山中慕



容紹宗降歡厚待之先是兆左右皆密通啓於歡唯張亮無之至是歡以亮爲參軍

質秀容縣名注見晉安帝隆安二年

書法前書討爾朱垂矣此其不書誅何歡既據晉陽則與爾朱等耳垂雖爲賊

歡不得而誅之也故爾朱氏之歿皆書誅惟垂以歡殺之止書殺

魏罷諸行臺○魏以賀拔勝爲荊州刺史

魏侍中斛斯椿與南陽王寶炬將軍元毘王忠政密勸魏主圖高歡增置都督部曲各數百員以關中大行臺賀拔岳擁重兵密與相結出其弟勝爲荊州刺史欲以敵歡歡不悅

初侍中司空高乾遭父喪解侍中魏主既於歡冀乾爲已用嘗與共立盟約乾不之知對曰臣以身許國何敢有貳及是乾乃謂所親曰上不親勲賢而招集群小數遣人往來關中又令賀拔兄弟相近禍難將作必及於我乃密啓歡歡召乾詣并州乾因勸歡受魏禪歡掩其口曰勿妄言今令司空復爲侍中門下事一以相委屢啓請之魏主不許乾知變將起求爲徐州從之

質實南陽郡名注見周赧王十四年穰部曲注見陳文帝天嘉元年關中注見唐玄宗開元十一年京兆賀拔岳尖山人允之弟荊州注見周赧王十四年穰并州注見齊明帝建武三年徐州注見秦始皇二十八年彭城

三月阿至羅復附于魏

魏正光以前阿至羅常內屬及中原多事遂叛高歡招之阿至羅復降凡十萬戶歡與之粟帛議者以為徒費無益歡不從及經畧河西大收其用

質實

正光魏孝明帝年號

中原注見唐肅宗至德二載河西郡各注見漢安帝元初元年

魏徐州刺史高乾伏誅大都督高敖曹奔晉陽

乾將之徐州魏主聞其漏泄機事乃詔歡曰乾豈與朕有盟今乃反覆歡聞亦惡之取乾前後啓論時事者封上魏主召乾責之遂賜死密敕潘紹業殺其弟敖曹奔晉陽敖

曹兄仲密亦間行奔晉陽

質實

晉陽縣名注見周威烈王二十三年

書法

乾嘗書起兵矣此書伏誅何罪乾也曷為罪之漏泄機事且啓歡以篡者

斯人也綱目之筆削審矣

發明

乾苟知其主招集群小何不以委任勲賢為請顯諫於朝而乃退有後言又况勸高歡以受禪則是反覆交亂之人爾宜乎綱目正其伏誅之罪也

夏四月魏青州人耿翔殺其刺史降梁梁以翔

為刺史

質實 青州注見漢桓帝永康元年

胡氏曰弑君天下之大惡耿翔奔梁梁雖疾魏然怒不廢禮盍移魏境相為戮之則義聲北震敵人悅服矣既不能殺又寵以刺史之尊是教民以弑君之利也何以為國乎

書法 書梁以為刺史病梁也人弑其君以叛而受之因使代焉是以弑君之利

教其下也綱目特書而病之

發明 書青州人則見其為部屬之民書殺其刺史則見其戕害主將之實書降

梁梁以為刺史則見梁納用亂民之惡是皆罪梁之意也若夫刺史不書姓名者義繫於殺刺史而不繫於其姓名耳昔春秋文七年書宋殺其大夫不書姓名釋者謂

義繫於殺大夫不繫於姓名正與此同意者也雖然梁主不顧逆順非一日矣如元法僧之反逆徐紇之弑君皆受而封爵之又何有於一耿翔哉陶侃有言殺方州即用為方州害宰相便為宰相乎等而上之又有不容言者梁主之所為若此他時固無恠其亦以此終也


五月魏下邳叛降于梁 **質實** 下邳郡名注見漢高帝六年

秋八月魏以賀拔岳為雍州刺史

初賀拔岳遣行臺郎馮景詣晉陽高歡與景軟盟約與岳為兄弟景還言於岳曰歡姦詐

有餘不可信也。府司馬宇文泰請使晉陽以觀歡之為人，歡奇其狀貌，曰：「此兒視瞻非常，將留之。」泰固求復命，歡既遣而悔之，發驛急追至關不及而返。泰至謂岳曰：「歡所以未篡者，正憚公兄弟耳。侯莫陳悅之徒，非所忌也。公但潛為之備，圖歡不難。今費也。」頭控弦之騎不下一萬。夏州刺史斛拔彌俄突勝兵三千餘，靈州刺史曹泥河西流民紇豆陵伊利各擁部眾，未有所屬。若移軍近隴，扼其要害，震之以威，懷之以惠，收其士馬，以資吾軍，西輯氏羌，北撫沙塞，還軍長安，匡輔魏室，此桓文之功也。岳大悅，復遣詣洛陽請事，密陳其狀。魏主喜，以岳為都督二十州軍事，雍州刺史岳遂引兵西屯平涼，彌俄突、伊利及費也。

頭萬俟受洛于、鐵勒斛律沙門等皆附於岳。唯曹泥附歡，岳以夏州被邊要重，欲求良刺史，眾舉宇文泰。岳曰：「左丞吾左右手，何其廢也。」沉吟累日，卒表用之。**集覽**：鐵勒勒也。注見宋文帝元嘉七年。**質實**：二年，宇文泰代郡武川人。控弦注見漢高帝六年。夏州注見漢武帝元朔元年朔方靈州。注見唐玄宗天寶十五年隴州名。注見漢光武建武六年。汧要注見漢文帝十一年。桓文之功注見漢獻帝建安七年。長安縣名。注見漢惠帝五年。洛陽縣名。注見周顯王三年。雍州注見唐玄宗開元十一年。京兆平涼郡名。注見宋文帝元嘉七年。



九月魏大丞相歡分封邑以頒勲義

歡表讓王爵不許請分封邑十萬以頒勲義許之

書法

於是歡表讓王爵不許請分封邑以頒勲義許之不書請何誅意也歡有不臣之心將以是結人心而用之綱目直書歡分封邑所以著高歡之心也

冬十二月魏人侵梁雍州

魏荆州刺史賀拔勝侵梁雍州拔下迮戍扇動諸蠻刺史廬陵王續屢為所敗漢南震駭城邑多陷於是沔地盪為丘墟矣

集覽

下迮戍名正義曰在雍州西迮側格反

質實

賀拔勝尖山人岳之弟雍州注見漢獻帝建安十二年襄陽沔北沔水之北注

同上年漢沔廬陵郡名注見晉安帝元興元年安成丘墟注見晉穆帝永和十二年

書法

此賀拔勝也書人何譏也魏主授勝荆州以敵歡也勝宜厲兵秣馬以待上命乃區區生事於梁非其事矣綱目書人書侵深譏之也其後赴義不勇中道而還卒為侯景所逐宜矣

魏大丞相歡使翟嵩如關中

歡患賀拔岳侯莫陳悅之疆右丞翟嵩曰嵩能間之使其自相屠滅歡遣之

甲 梁中大通六年魏永熙三年東魏孝靜帝春寅善見天平元年○是歲魏分爲二凡三國

正月魏大丞相歡攻紇豆陵伊利執之

高歡使侯景招紇豆陵伊利伊利不從擊之於河西擒之遣其部落於河東魏主讓之曰伊利不侵不叛爲國純臣王忽伐之詎有一介行人先請之乎

集覽 一介行人猶言一介使者或曰一介喻至微也穀梁傳襄十一年楚執鄭行人行人者挈國之辭也疏云舊解挈猶傳也行人傳國使會命故云挈國之辭

續實 河東郡名注見漢獻帝建安七年

魏永寧浮圖災集覽

浮圖災注見中大通元年


書法

火災非宮闕宗廟不書書浮圖災何譏也魏之君臣崇信異教而其效乃爾故書譏之終綱目書災十五而書浮圖災者二是年梁丙寅年皆所以垂戒也

○魏秦州刺史侯莫陳悅殺賀拔岳魏以宇文

泰統其軍

魏賀拔岳將討曹泥使都督趙貴至夏州與宇文泰謀之泰曰曹泥孤城阻遠未足憂侯莫陳悅貪而無信宜先圖之不聽召悅會於高平與共討泥悅既得翟嵩之言乃謀取岳



岳數與悅宴語長史雷紹諫不聽悅果誘岳斬之岳衆皆不敢動而悅心猶豫不即撫納還屯水洛城岳衆散還平汝未有所屬趙貴曰宇文夏州英畧冠世遠近歸心賞罰嚴明士卒用命若迎而奉之大事濟矣都督杜朔周請輕騎告哀且迎之既至泰與將佐賓客議去留前太中大夫韓裒曰此天授也又何疑乎悅井中蛙耳使君往必擒之衆以爲悅已有賀拔之衆圖之實難願且留以觀變泰曰悅既害元帥自應乘勢直據平原而退屯水洛吾知其無能爲也夫難得易失者時也若不早赴衆心將離因與諸將同盟討悅輕騎赴平涼時民間惶懼逃散者多軍士欲掠之朔周曰宇文公方伐罪弔民柰何助賊爲

虐乎撫而遣之遠近悅附泰聞而嘉之勸使侯景招撫岳衆泰至安定遇之謂曰賀拔公雖死宇文泰尚存卿何爲者景遂還泰至平涼哭岳哀慟將士悲喜歡復使侯景張華原王基勞泰泰不受欲劫留之華原不屈乃遣之基還言泰雄傑請及其未定擊滅之歡曰卿不見賀拔侯莫陳悅乎吾當以計拱手取之魏主遣元毘慰勞岳軍召還洛陽并召侯莫陳悅悅附高歡不肯應召泰因毘上表曰臣岳忽罹非命都督寇洛等令臣權掌軍事今高歡之衆已至河東侯莫陳悅猶在水洛士卒多西人顧戀鄉邑乞少停緩徐就東引魏主乃以泰爲大都督即統岳軍岳之死也都督李虎奔荊州說賀拔勝使收岳衆勝不

從而還為歡別將所獲送洛陽魏主方謀取關中得虎甚喜拜衛將軍使就秦虎歆之玄孫也秦與悅書責之曰君黨附國賊共危宗廟吾已發兵為賀拔公報讐指日相見

集

覽翟嵩之言翟姓也音宅或音狄去年有離間之語井中蛙蛙水蟲形似蝦蟆莊子曰

培井之蛙擅一壑之水而跨時培井之樂後漢馬援往觀公孫述歸謂隗囂曰子陽井底

蛙耳 **質實**秦州注見漢光武建武元年天水高平鎮名注同上六年一統志云水洛

城在平涼府靜寧州西南一百里其地川平土沃又有水輪銀銅之利宋招討使鄭戩遣

劉滬築之以捍西夏金置縣元省入隴干猶豫注見秦孝文王元年韓哀潁陽人平原郡

名注見後主禎明二年安定郡名注見漢光武建武元年張華原平城人

夏四月朔日食質實日食注見新莽大鳳元年 **魏宇文泰**

討侯莫陳悅誅之遂定秦隴魏以秦為關西大

都督

宇文泰引兵上隴軍令嚴肅秋毫無犯百姓大悅水洛降悅退保上邽召南秦刺史李弼與之拒泰弼舉城降悅軍潰益死泰入上邽散府庫以賞士卒左右竊一銀甕以歸泰知而罪之剖賜將士悅黨孫定兒不下有眾數萬泰遣劉亮襲之亮先豎纛於近城高嶺自

將二十騎馳入城定見方置酒亮麾兵斬之
遙指城外燾命二騎曰出召大軍城中皆懾
服莫敢動先是故氏王楊紹先乘魏亂逃歸
武興復稱王氏羌吐谷潭所在蜂起自南岐
至瓜鄯跨州據郡者不可勝數泰令弼鎮原
州拔也惡蚝鎮南秦州可朱渾道元鎮渭州
趙貴行秦州事徵幽涇東秦岐之粟以給軍
楊紹先懼稱藩送質長史干謹言於泰曰明
公據關中險固之地將士驍勇土地膏腴今
天子在洛迫於羣凶若陳公懇誠請都關右
挾天子以令諸侯奉王命以討暴亂此桓文
之業千載一時也泰善之高歡復遣使甘言
厚禮以給泰泰不受封其書以聞魏王命泰
引軍而東泰使雍州刺史梁禦入據長安魏

王以泰為關西大都督
畧陽縣公承制封拜
集覽 上邽注見漢光武建武八年豎

燾豎立也燾注見漢文帝元年左燾瓜古西
戎地顏師古曰左傳所謂允姓之戎居于瓜
州是也漢武開置敦煌郡至元魏兼立瓜州
其地出大瓜長者狐入其中食之首尾不出
按五代晉高居誨使于闐記自靈州過黃河
行五百里至涼州又西行五百里至甘州甘
州西北五百里至肅州西渡金河西百里出
天門關又西百里出玉門關經吐蕃界西至
瓜州南十里有鳴沙山云禹貢流沙也鄯古
西羌所居漢武逐之築令居寨漢未置西平
郡元魏置鄯州在河西拔也惡蚝拔也代北
複姓其先與斛律同祖為拔也部後因氏焉

惡耗名也。拔蒲撥反。耗七吏反。可朱渾代北三字姓。

質實

南秦州名。注見漢獻帝建

安二十二年。下辨李彌隴西成紀人。劉亮中

山人。武興郡名。注見宋文帝元嘉九年。吐谷

渾北狄種名。注見晉元帝建武元年。蜂起。注

見唐僖宗乾符元年。一統志云。南岐古地名。

本春秋時氏羌所居。秦為隴西郡地。漢為故

道河池二縣地。後魏於此置梁泉縣。并固道

郡。後置南岐州。西魏改為鳳州。隋廢州置河

池郡。唐初復為鳳州。天寶初改為河池郡。乾

元初復為鳳州。五代時蜀置武興軍。宋仍為

鳳州。元以附郭梁泉縣併入。本朝改為鳳

縣。屬漢中府。原州。注見漢光武建武六年。渭

州。注見漢後王建興六年。南安。幽涇。一州名。

幽。注見漢桓帝延熹五年。涇。注見漢光武建

武元年。安定。東秦州名。注見漢獻帝建安十

七年。鄜岐州名。注見周顯王八年。岐縣。于謹

代人。栗磾之子。膏腴。注見漢景帝三年。畧陽

縣。注見晉懷帝永嘉四年。瓜

鄆。二州名。注見中大通二年。

書法

悅岳兩下相殺耳。其書討誅何罪。悅也。魏主方將仗岳自救而悅殺之。且

復附歡以拒召命。是黨賊也。書討書誅宜矣。

癸明

侯莫陳悅。賀拔岳均為方鎮大臣。而悅一旦無故屠之。綱目前書殺岳。猶

未見悅之罪也。今宇文泰攻之。書討書誅

然後悅之罪始正矣。是時蒞瀚方錯立。互相

吞食惟力是視然綱目辨明是非備見於書法之間固不以亂世而少紊其實此所謂曲直之繩墨也

六月魏大丞相歡舉兵反

癸卯高歡包藏禍心已非一日特比之爾朱氏有間爾今既舉兵向闕非反而何歡前討爾朱自謂之反今此真反乃以誅斛斯椿自詭其是非顛倒若此綱目各正其名然後亂臣賊子之罪始無所逃矣

○秋七月魏主脩奔長安歡入洛陽推清河王

直承制決事魏主以宇文泰為大將軍尚書令

侍中封隆之言於高歡曰斛斯椿等必構禍亂孫騰泄其言椿白魏主隆之及騰皆逃就歡華山王鷲在徐州歡使大都督邸珍奪其管鑰建州刺史韓賢濟州刺史蔡儁歡黨也魏主皆罷之又增置勳府庶子騎官各數百人欲伐晉陽下詔戒嚴云欲伐梁發河南兵詣洛陽六月密詔歡曰宇文黑獺賀拔勝有異志故假南伐潛為之備王宜近為形援歡表曰臣今潛勒兵馬三萬自河東渡又遣庫狄干等自來違津渡婁昭等討荊州尉景等討江左皆勒所部伏聽處分魏主知歡覺其變乃止歡軍歡亦表云臣為辟佞所間一旦

受疑陛下若垂信赤心願賜量亟令廢出魏主使源子恭守陽湖汝陽王暹守石濟又以賈顯智爲濟州刺史蔡儁不受代魏主愈怒乃爲敕賜歡曰聞庖狄于語王云本欲取懦弱者爲主無庸立此長君使其不可駕御今但作十五日行自可廢之此論自是王間勲人豈出佞臣之口隆之孫騰逃去不罪王若盡誠何不斬送啓云西去而四道俱進南度洛陽東臨江左聞者寧能不疑王若舉旗南指縱無匹馬隻輪猶欲奮拳而爭死假令還爲王殺幽辱壅粉了無遺恨王思政言於魏主曰高歡之心昭然可知洛陽非用武之地宇文泰乃心王室今往就之還復舊京何慮不克魏主深然之遣侍郎柳慶見泰於高

平泰請奉迎輿駕魏主復私謂慶曰朕欲向荆州何如慶曰關中形勝宇文泰才畧可依荆州地非要害南逼梁寇臣愚未見其可時東郡太守裴俠帥兵詣洛王思政問以西巡之計俠曰宇文泰已操戈矛寧肯授人以柄雖欲投之恐無異避湯入火也思政曰然則何如而可俠曰圖歡有立至之憂西巡有將來之慮且至關右徐思其宜耳思政然之乃進俠於魏主授左中郎將初歡欲遷都於鄴魏主不可至是復謀遷都遣騎鎮建興益河東及濟州兵擁諸州和糴粟悉入鄴魏主又以敕喻歡令歸兵罷戍送相州之粟使蔡儁受代邱珍出徐歡不奉詔魏主以廣寧太守任祥兼僕射祥棄官走渡河據郡待歡魏主

乃下制書。歎歡罪惡，召賀拔勝赴行在所，勝以問掾盧柔。柔曰：高歡悖逆，公席卷赴都，與決勝負，死生以之，上策也。北阻魯陽，南并舊楚，東連兗豫，西引關中，中策也。舉三荆之地，庇身於梁，功名皆去，下策也。勝笑而不應。魏主以宇文泰為關西大行臺，令遣騎奉迎。歡遂勒兵南出，以誅斛斯椿為名，以高敖曹為前鋒，宇文泰亦移檄州郡，數歡罪惡。自將大軍，竅高平，前軍屯弘農。七月，魏主親勒兵十餘萬屯河橋，以斛斯椿為前驅，陳於邙山之北。椿請帥精騎二千夜渡河，掩其勞弊。魏主然之。侍郎楊寬曰：假兵於人，恐生他變。椿若有功，是滅一高歡，生一高歡矣。魏主敕椿停行。椿歎曰：項焚惑人，南斗今上信，左右間構

不用吾計，豈天道乎？宇文泰聞之，謂左右曰：高歡數日行八九百里，此兵家所忌。當乘便擊之，而主上以萬乘之重，不能渡河決戰，方緣津據守，且長河萬里，扞禦為難。若一處得渡，大事去矣。即以趙貴自蒲坂濟，趣并州，遣李賢將精騎一千赴洛陽。魏主使斛斯椿與潁川王弼之鎮虎牢，賈顯智鎮滑臺。顯智陰約降於歡，軍司元玄覺之，馳還請益師。遣大都督侯幾紹赴之，戰於滑臺東。顯智以軍降，紹戰死。歡引軍渡河，弼之與椿爭權，還給魏主云：歡兵已至，魏主即召椿還，與南陽王寶炬、清河王暕、廣陽王湛以五千騎宿於瀍西。衆知魏主收村西亡者過半，直湛亦逃歸。將軍獨狐信軍於朔，追魏主。魏主歎曰：將軍辭父母

捐妻子而來世亂識忠臣豈虛言也明日西
 奔長安歡送入洛陽遣婁昭高敖曹帥勁騎
 追魏主不及魏主糗糲乏絕唯飲澗水至稠
 桑都督毛鴻賓迎獻酒食始解饑渴歡集百
 官責以處不諫諍出不陪從之罪殺僕射辛
 雄以下數人推清河王亶為大司馬承制決
 事宇文泰使趙賁梁禦帥甲騎奉迎魏主循
 河西上謂禦等曰此水東流而朕西上若得
 復見洛陽親謁陵廟卿等功也魏主及左右
 皆流涕泰備儀衛迎魏主謁見於東陽驛免
 冠流涕曰臣不能式遏寇虐使乘輿播遷臣
 之罪也魏主曰朕不德致寇方以社稷委公
 公其勉之遂入長安以泰為大將軍雍州刺
 史兼尚書令軍國之政咸取決焉別置二尚

書分掌機事以毛遐周惠達為之時軍國草
 創二人積糧儲治器械簡士馬魏朝賴之先
 是熒惑入南斗去而復還留止六旬梁主以
 諺云熒惑入南斗天子下殿走乃跣而下殿
 以襪之及聞魏主西奔
 慙曰虜亦應天象邪 **集覽** 壘粉注見唐肅
 宗至德二載獨
 孤信獨孤本烏桓別部之號也信本名如願
 姓劉氏其先伏留屯者為部落大人至庫者
 為領人酋長生信信少年脩飾服章軍中號
 獨孤郎後因呼曰獨孤信糗糲糗糧漿酒也
 糗去久反稠桑地 **質實** 封隆之渤海脩人回
 名在滎陽之西 **質實** 之子華山郡名注見
 唐玄宗開元十一年華管鑰注見晉明帝太
 寧三年一統志云建州本秦上黨郡高都縣

地漢因之後魏置建興郡治高都城兼置建
 州北齊又置長平高都二郡後周併為高平
 郡隋廢郡改建州為澤州治丹川縣大業初
 廢州置長平郡唐初復改置建州又於高平
 縣置蓋州尋廢建州徙蓋州治晉城縣又置
 澤州治端氏縣貞觀初廢蓋州而以澤州治
 晉城天寶初改為高平郡乾元初復為澤州
 會昌初屬河陽府宋屬河東道金屬平陽府
 元屬平陽路 本朝以晉城縣併入直隸山
 西道濟州注見晉帝奕太和元年高平陽湖
 未詳處所汝陽國名注見漢後主延熙十八
 年石濟未詳處所高平郡名注見晉帝奕太
 和元年荊州注見周赧王十四年穰東郡注
 見漢光武建武八年裴俠解人祖齊之孫鄴

縣名注見漢獻帝建安十五年建興郡名注
 見本年建州相州注見漢元帝建昭二年魏
 郡廣寧古地名漢為沁水縣屬河內郡晉因
 之後魏於此置廣寧郡及東永安縣北齊廢
 郡改縣曰永寧隋初復改沁水縣屬澤州唐
 宋金皆不改元省端氏入焉 本朝因之屬
 澤州魯陽縣名注見漢獻帝初平元年竟豫
 二州名竟注見漢獻帝興平二年豫注見漢
 光武建武十九年弘農郡名注見周顯王四
 十五年陝河橋注見漢和帝永元五年却山
 注見漢靈帝中平六年熒惑入南斗注見漢
 成帝綏和二年蒲坂縣名注見周赧王十二
 年潁川郡名注見漢後主建興十年虎牢關
 名注見晉帝奕太和四年滑臺城名注見晉

孝武帝太元九年清河郡名注見漢安帝建
光元年甘陵廣陽郡名注見漢獻帝興平二
年灑西灑水之西注見大通九年灑上獨孤
信雲中人稠桑地名在河南南府靈寶縣西南
二十三里古桃林也春秋號公敗戎於桑田
即此處洛陽縣名注見周顯王三年趙貴天
水人乘輿注見漢安帝延光四
年社稷注見新莽天鳳元年

魏大丞相歡屯華陰使侯景取荊州賀拔勝奔

梁

高歡自追迎魏主至弘農遂攻潼關克之進
屯華陰賀拔勝帥所部西赴關中至淅陽聞

歡已屯華陰欲還行臺左丞崔謙曰今帝室
顛覆主上蒙塵公宜倍道兼行朝於行在然
後與宇文行臺同心戮力唱舉大義天下孰
不望風響應今捨此而退恐人人解體一失
事機後悔何及不聽遂還歡自發晉陽至是
凡四十啓魏主皆不報乃還遣侯景等向荆
州勝至景逆擊之
集覽 淅陽淅先的反字本從
木或從手誤也史炤釋
艾音旨熱反亦謬矣按淅水名郡在淅水北
故名淅陽本漢南鄉縣晉改順陽後魏置南
鄉郡分置淅川
質實 潼關注見漢獻帝建安
十六年華陰縣名注見
周顯王三十七年晉陰淅陽
郡名注見漢帝玄更始元年

魏閣內都督趙剛以東荊州兵赴長安遇盜敗沒

魏主之在洛陽也密遣閣內都督趙剛召東荊州刺史馮景昭入援兵未及發魏主入關景昭集文武議所從馮道和請待北方處分剛曰公宜勒兵赴行在所久之更無言者剛抽刀投地曰公若欲為忠臣請斬道和如欲從賊可速見殺景昭感悟即率眾赴關中侯景引兵逼穰城東荊州民楊祖歡起兵應之以其眾邀景昭於路景昭戰敗剛沒蠻中

質實 東荊州注見齊武帝永明五年泚陽行在注見晉惠帝永興五年穰城注見周

赧王十四年

書法 於是剛召馮景昭入援既而從之不兵不行矣故削之書曰趙剛以東荊州兵赴長安歸功剛也故雖遇盜敗沒綱目必書之是故九江之歸漢未決而隨何能以之則書隨何以漢王那三年陶侃之赴難未勇而溫嶠能以之則書溫嶠以晉成帝咸和三年東荊州之入援未果而趙剛能以之則書趙剛以是年皆歸功以之者也

冬十月魏大丞相歡立清河世子善見於洛陽

考異

提要作東魏主善見立

考證

不當分注是為東魏

歡至洛陽又遣僧道榮奉表於魏主曰陛下若遠賜一制許還京洛臣當帥勒文武式清宮禁若返正無日則社稷不可無主萬里須有所歸臣寧負陛下不負社稷魏主亦不答歡乃集百官耆老議所立時清河王亶出入已稱警蹕歡醜之遂立其世子善見為帝謂亶曰欲立王不如立王之子亶不自安南走歡追還之善見即位時年十一

質實

魏以宇文泰為大丞相

泰攻潼關斬高歡守將薛瑜還長安進位大丞相

梁伐東魏

書法

魏亂又矣梁之加兵書襲書取書圍書侵而已此其書伐何善見之立非

正也故書伐

○十一月東魏遷于鄴

高歡以洛陽西逼西魏南近梁境乃議遷鄴書下三日即行四十萬戶狼狽就道歡留後

部分事異還晉陽改司州為洛州以元弼為
 刺史鎮洛陽僕射司馬子如高隆之侍中高
 岳孫騰留鄴共知朝政出粟一百三十萬碩
 以賑遷民十一月東魏主至鄴改相州刺史
 為司州牧魏郡質實狼狽注見漢獻帝初平
 太守為魏尹質實三年洛州注見秦莊襄
 王元年三川高岳渤海菑人晉陽郡名注見
 周威烈王二十三年相州注見漢元帝建昭
 二年魏郡
 注同上年

閏十二月魏大丞相泰進毒弒其君脩考異提

無大字後並同
 補進毒二字

魏孝武閨門無禮從妹不嫁者三人平原公
 主明月南陽王寶炬之同產也從入關宇文
 泰使人殺之魏主不悅由是復與泰有隙飲
 酒遇醜而殂殯於佛寺諫議大夫宋球慟哭
 嘔血漿粒不入口者數日泰以其名儒不之
 罪也東魏高歡聞之啓請慰哀制服東魏主
 使羣臣議之博士潘崇和以為君遇臣不以
 禮則無反服是以湯之民不哭桀周之臣不
 服紂衛既隆李同軌以高后於永集覽高后
 燕離絕未彰宜為之服東魏從之質實平原
 永熙孝武帝年號以年號稱孝武質實平原
 郡名注見漢光武建武五年南陽
 郡名注見周赧王十四年穰

通鑑綱目卷三十一

三

蔡明

衰亂之世其君苟欲自立則勢微力弱不克振起苟依人而立則又未有不受其禍者魏之孝武迫於高歡所恃者一字文泰爾一旦歡舉兵反叛魏君奔竄入關僅脫虎口若可以為得所依矣曾未旋踵而身被醜毒其禍尤慘然後知人君寄命於人者無適而可此正裴俠所謂無異避湯入火者也人主觀綱目之所書驗魏君之終始其可不兢兢業業強於為善必使國家又安禍亂不作姦雄無白而起庶幾子孫不受制於他人之手不然大勢一去雖有智者亦未如之何矣吁

魏獨孤信克荊州東魏人襲之信奔梁

東魏既取荊州魏以獨孤信為刺史招懷之蠻酋樊五能攻破淅陽郡以應魏東魏刺史辛纂欲討之郎中李廣曰淅陽深險表裏羣蠻今少遣兵不能制賊多遣則根本虛弱朕不如意州城難保聞臺軍不久應至公但約勒屬城使完壘撫民以待之雖失淅陽不足惜也纂不從而敗城民召獨孤信東魏遣田人能拒之又遣張齊民出信後信謂其眾曰今士卒不滿千人首尾受敵若還擊齊民士民謂我退走必來邀我不如進擊人能破之齊民自潰矣遂擊破人能乘勝襲穰城辛纂出戰大敗還趣城門未及闔信前驅武川楊忠叱門者曰大軍已至城中有應爾等求生何不避走門者皆散忠帥眾入城斬纂以徇

城中懾服信分兵定三荆居半歲東魏高敖

曹侯景將兵奄至城下信兵少不敢敵與楊忠

皆奔 **質實** 武川未詳處所或疑卽武州注見

梁 **質實** 漢武帝元光二年武州塞三荆卽

三楚注見 太清二年

書法 前書歡取荆州矣於是克之不爲東

之故自是東魏攻魏則書侵魏攻東魏則

書伐東魏取魏地則書取魏某地魏取東

魏地則直書某地而已魏

正也綱目之予奪明矣

乙梁大同元年魏文帝寶炬 **春正月朔魏大丞**

邠大統元年東魏天平二年

相泰立南陽王寶炬

考異 提要作魏主寶炬立

魏宇文泰與羣臣議所立多舉廣平王贊濮

陽王順垂滄謂泰曰高歡逼逐先帝立幼主

以專權明公宜反其所爲廣平冲幼不 **質實**

如立長君而奉之泰乃立南陽王寶炬

廣平郡名注見漢武帝元狩四年

年濮陽郡名注見周安王五年

魏將軍李虎克靈州

宇文泰遣李虎等擊曹泥虎等招諭費也 **質**

頭之衆與之共攻靈州凡四旬曹泥請降

質 靈州注見唐玄

宗天寶十五載

魏大丞相泰自為都督中外諸軍事封安定公

魏以泰為都督中外諸軍錄尚書事大行臺封安定王泰固辭王爵及錄尚書乃封安定

公 啓 實 安定郡名 注見漢 光武建武元年

魏立后之弗氏集覽

乙弗虜 復姓

后仁恕節儉不妬忌魏主重之

東魏大丞相歡擊稽胡斬劉蠡升

蠡升自稱天子居雲陽谷魏之邊境常被其患謂之胡荒歡襲擊大破之其下斬之以降

雲陽谷未詳處所唯西安府有雲陽縣未知是否注見漢光武建武二十五年

東魏大丞相歡自為相國假黃鉞加殊禮復辭

不受考異

提要禮字下作而復辭之

質實

假黃鉞注見漢後王建興六年

書法

書復辭何譏也既自為之復自辭之其譎甚矣綱目上書自為下書復辭

不受者二人焉司馬昭劉裕高歡權臣一轍也

○東魏人襲魏華州不克

東魏大行臺尚書司馬子如帥都督竇泰韓軌等攻潼關魏宇文泰軍于霸上子如從蒲津宵濟攻華州入之刺史王羆未起聞閣外洶洶有聲袒跣持挺大呼而出逐至東門左右稍集擊破走之

集覽

洶洶音許拱反喧擾之意也

質實

見秦王

政二十二年灞水潼關注見漢獻帝建安十六年蒲津關名注見秦始皇二十六年華州注見唐玄宗開元十一年王羆京兆霸城人

魏作新制二十四條

魏宇文泰以軍旅未息吏民勞弊命所司斟酌古今可以便時適治者為二十四條新制

奏行之

質實

軍旅注見中大通二年

魏大丞相泰以蘇綽為行臺左丞

宇文泰用蘇綽為行臺郎中居歲餘未之知也而臺中皆稱為能有疑事皆就決之泰與僕射周惠達論事惠達請出議之以告綽綽為之區處惠達入白之泰稱善曰誰與卿為此議者惠達以綽對且稱綽有王佐之才泰與公卿如昆明池觀漁行至漢故倉池顧問左右莫有知者召綽問之具以狀對泰悅因問天地造化之始歷代興亡之跡綽應對如流遂留至夜問以政事臥而聽之綽陳為治之要泰起整衣危坐不覺膝之前席語達曙

卷之三十三 魏正皇帝永歷二年

三十三

不厭詰朝謂惠達曰蘇綽真奇士吾方任之以政即拜左丞參典機密自是寵遇日隆綽始制文按程式朱出墨入及計帳戶籍之法後人多遵用之
惠達文安人昆明池注見漢武帝元狩三年詰朝左傳詰朝相見注明早也

質實

蘇綽武功人周

書法

凡拜官書某以某譏專也此書泰以何美泰也泰於是能育才矣故美之

夏五月魏大丞相泰自加極國○秋七月魏東

益州叛降于梁質實

東益州注見漢後主建興七年沔陽

○八月

東魏作新宮○魏趙剛以東荆州歸于魏

趙剛自蠻中往見東魏東荆州刺史李愨勸令附魏愨從之剛由是得至長安宇文泰以剛為光祿大夫剛說泰召賀拔勝獨孤信等於梁泰使剛往請之
見齊武帝永明五年泚陽長安縣名注見漢惠帝五年

質實

東荆州注

書法

書趙剛以何再歸功剛也故不書李愨東荆州東魏地也不書東魏東荆州何尺土

皆魏也

冬十一月梁侍中徐勉卒考異

提要無冬字

勉雖骨鯁不及范雲亦不阿意苟合故梁世言賢相者稱范徐云

質實

范雲舞陰

魏梁州叛降于梁

質實

梁州注見周赧王四年漢中

○東魏

封高洋為太原公

洋歡之子也內明決而外如不慧衆皆嗤鄙之獨歡異之謂長史薛琠曰此兒識慮過吾幼時歡嘗欲觀諸子意識使各治亂絲洋獨抽刀斬之曰亂者必斬又各配兵四出使都督彭樂帥甲騎偽攻之兄澄等皆怖撓洋獨勒衆與格樂免胄言情猶擒以獻

集覽

幼時謂高

質實

太原郡名注見齊明帝建武三年并州

十二月東魏始賦文武官祿○魏與柔然和親

柔然頭兵可汗求婚於東魏高歡以常山王妹為蘭陵公主妻之魏亦與約和親由是不復為寇

質實

柔然比狄國名注見晉孝武帝太元十二年常山郡名注見漢光武建武九年蘭陵縣名注同上四年

書法

於是柔然求婚東魏高歡以常山王妹為蘭陵公主妻之魏亦以元翌女為化政公主妻可汗弟不書東魏何柔然本魏臣也求婚東魏東魏從之猶可也未嘗求魏自與和親魏之屈甚矣特書魏與柔然和親傷之也

通鑑綱目卷三十一 魏正 自泰平永熙二年 三十一

丙梁大同二年魏大統 春正月東魏大丞相歡

襲魏夏州取之魏靈涼州亦叛附于歡

高歡自將萬騎襲魏夏州不火食四日而至
縛稍為梯夜入其城擒刺史斛拔俄彌突因
而用之留張瓊將兵鎮守遷其部落以歸魏
靈州刺史曹泥與其婿涼州刺史劉豐復叛
降東魏魏人圍之水灌其城不沒者四尺歡
發阿至羅騎徑度靈州繞出魏師之後魏師
退歡迎泥及豐拔 涼州注見唐中
其遺戶五千以歸 宗景龍二年

書法

附東魏也書附于歡何附東魏即附賊也書附東魏則未知其為非也故

特書附于歡此綱目之特筆也凡魏人附東魏則書叛東魏人歸魏則不書叛歸魏也 正

二月東魏大丞相歡遣其世子澄入鄴輔政東魏以為尚書令京畿大都督

東魏渤海世子澄年十五入鄴輔政用法嚴峻事無疑滯中外震肅引崔暹為左丞親任之初澄通於歡妾一婢告之歡杖澄而幽之婁妃亦隔絕不得見歡納魏敬宗之后爾朱氏有寵生子洸欲立之澄求救於司馬子如子如入見為為不知者請見婁妃歡告其故

通鑑綱目卷三十一 魏正 自泰平永熙二年 三十一

子如曰妃是王結髮婦常以家財奉王王在懷朔被杖背無完皮妃晝夜供侍同走并州然馬矢自作靴恩義何可忘也且婁領軍之勲何宜搖動一女子如草芥况婢言不必信邪歡因使子如更鞫之子如盡反其辭乃啓歡曰果虛言也歡大悅父子夫婦相敬復如初

集覽 周反 質實 渤海郡名注見晉穆帝永和六年滄州鄴縣名注見漢獻帝建安十五年敬宗魏孝莊帝廟號敬宗懷朔鎮名注見天監十八年

書法 此曹操以子不為丞相副之故智也高歡封爵皆書自澄為尚書令則曷為不書高歡以上書高歡遣下書東魏以見其主之不得不以也綱目辭繁而不殺

意可見矣

東魏大丞相歡以陳元康為功曹

高季式薦元康於高歡曰是能夜中闇書快吏也歡召之一見即授功曹掌機密時軍國多務元康問無不知與功曹趙彥深同知機密而元康性柔謹歡甚親之曰此人天賜我也

質實 陳元康廣宗人

三月梁處士陶弘景卒

弘景博學好養生任齊為奉朝請棄官隱居茅山梁主早與之游及即位恩禮甚篤每得

其書焚香 虔受屢以手敕招之弘景不出國
家每有大議必先諮之時人謂之山中宰相
將沒為詩曰夷甫任散誕平叔坐論空豈悟
昭陽殿遂作單于宮時士大夫競談玄理不
習武事故弘景詩及之胡氏曰弘景居山中
而預朝政非不在其位不謀其政之義矣而
當是之時政事之失亦豈少哉處身則事浮
屠處家則無義方治國則政刑不脩對敵則
師旅無名數十年間駸駸入於亂亡而不聞
弘景有一言以省帝心也臨終之詩亦何益
哉

集覽

夷甫任散誕王衍字夷甫晉武帝時
人任散誕任意消散放誕也晉書王
衍妙善玄言唯談老莊平叔坐論空何晏字
平叔三國魏明帝時人論空談論虛無也晏

好老莊書故云唐太宗曰梁武
帝唯談苦空注苦空乃佛教也
王元年陶弘景秣陵人奉朝請注見漢哀帝
元壽元年一統志云茅山在應天府句容縣
東南四十五里山形如句字初名句曲山後
因茅君得道於此更今名道書為第八洞天
第一福地山有三峯三茅君各占一峯謂之
三茅峯金陵新志茅山與蜀岷峩相首尾蔣
山實其脉
之盡者

書法

特筆也布衣卒黃憲漢安帝延光元
年管寧漢後主延熹四年徵士卒陶
潛宋文帝元嘉四年處士卒陶弘景是年
皆特筆也處士書卒終綱目一人而已矣

夏四月梁以江子四為右丞

子四上封事極言得失梁主詔曰古人有言屋漏在上知之在下朕有過失不能自覺子四所言尚書時加

質實

江子四濟陽人統七世孫

秋七月魏質拔勝自梁歸于魏

梁主待質拔勝等甚厚勝請討高歡不許厚結朱異乃得歸與史寧盧柔皆北還梁主餞之南苑勝懷梁主恩自是見鳥獸南向者皆不射之至襄城東魏高歡遣侯景以輕騎邀之勝等自山路逃歸宇文泰引柔為從事中郎與蘇綽對掌機密

質實

朱異錢塘

人襄城縣名注見周赧王十五年

九月東魏行臺侯景侵梁梁陳慶之擊破之考

異

提要破作敗

質實

陳慶之義興國山人

書法

梁加東魏書伐此其書侵何不予東魏之自立也故凡東魏加人皆書侵

冬十二月東魏及梁平○魏大饑

人相食死者什七八

丁梁大同三年魏大統三年東魏天平四年春正月東魏大丞相歡

侵魏魏大丞相泰擊破之殺其將竇泰歡別將

襲魏洛州執其刺史泉企

初魏主下詔數高歡二十罪歡亦移檄謂宇文泰斛斯椿為逆徒至是歡遣司徒高敖曹攻上洛大都督竇泰攻潼關而自將軍蒲坂造三浮橋欲度河魏宇文泰軍廣陽謂諸將曰賊倚吾三面作浮橋以示必度此欲經吾軍使竇泰得西入耳泰屢勝而驕襲之必克克泰則歡不戰自走矣諸將皆曰不如分兵禦之宇文泰曰賊雖作橋未能徑度不過五日吾取竇泰必矣蘇綽達奚武亦以為然宇文泰還長安隱其計以問族子直事郎中深

深曰竇泰歡之驍將今大軍攻蒲坂則歡所守而泰救之吾表裏受敵此危道也不如選輕銳潛出小關竇泰躁急必來決戰歡持重未即救我急擊泰必可擒也擒泰則歡勢自沮回師擊之可以決勝宇文泰喜曰此吾心也乃聲言欲保隴右而潛軍東出竇泰猝聞軍至度河宇文泰擊破之士眾皆盡竇泰自殺高歡撤浮橋而退敖曹自商山轉戰而進所向無前遂攻上洛郡人泉岳及弟猛畧與杜窋等謀翻城應之洛州刺史泉企知之殺岳及猛畧窋走歸敖曹敖曹以為鄉導而攻之企固守旬餘二子元禮仲遵力戰仲遵傷目城遂陷企見敖曹曰吾力屈非心服也敖曹以杜窋為洛州刺史欲遂入藍田關聞竇



秦軍沒而還以企及元禮自隨企私戒二子曰吾餘生無幾汝曹才器足以立功勿以吾故遂虧臣節元禮逃還與仲遵陰結豪右襲密殺之魏以元禮世襲洛州刺史東魏郎中杜弼以在位貪污請治之歡曰今督將家屬多在關西宇文黑獺常招誘之人情去留未定江東復有一吳翁蕭衍專事衣冠禮樂中原士大夫望之以為正朔所在我若不相假借恐督將盡歸黑獺士子悉奔蕭衍人物流散何以為國宜少待吾不忘之至是將出兵拒魏弼請先除內賊歡問為誰弼曰諸勳貴掠奪百姓者是也歡不應使軍士皆張弓注矢舉刀按稍夾道羅列命弼冒出其間弼戰慄流汗歡乃徐諭之曰矢注不射刀舉不擊

稍按不刺爾猶亡鬼失膽况諸勳人身犯鋒鏑百死一生雖或貪鄙所取者大豈可同之常人哉弼頓首謝歡每號令軍士其語鮮卑則曰漢民是汝奴夫為汝耕婦為汝織輸汝粟帛令汝溫飽汝何為陵之其語華人則曰鮮卑是汝作客得汝一斛粟一疋絹為汝擊賊令汝安寧汝何為疾之時鮮卑共輕華人唯憚高敖曹歡號令將士常鮮卑語敖曹在列則為之華言敖曹嘗詣相府門者不納敖曹射之歡知而不責

集覽

達奚

質實

移檄注見楚義帝元年上洛縣名注見晉

黑獺字文泰表字
元帝太興元年廣陽郡各注見漢獻帝興平二年隴右注見秦王政三年隴西商山注見

通鑑卷之三十三 魏五白帝永熙二年 三五

唐僖宗廣明元年一統志云藍田關在西安府藍田縣東南九十八里本秦嶢關後周改為青泥關隋唐以來改名藍田關鮮卑東胡種名注見漢光武建武二十五年

發明

魏數歡罪二十何以不書討秦亦弒君之賊爾或曰魏主數歡之罪而歸咎於秦可乎曰魏主為弒君者所立受之而不討賊是亦弒君之人也況是時國命在於秦手何得以魏君為名哉故凡秦之不能討歡猶歡之不能討秦其實厥罪惟均此綱目之所以不分局直例以交伐書之也

夏六月東魏遣使如梁

東魏遣散騎常侍李諧聘於梁梁主與語應對如流因曰送之謂左右曰卿輩常言比間無人物此等何自而來是時南北通好務以俊乂相誇銜命接客必盡一時之選每梁使至鄴鄴下為之傾動宴日高澄常使左右覘之一言制勝為之拊掌魏使至建康亦然

質實

鄴縣名注見漢獻帝建安十五年建康郡名注同上與平二年金陵

魏獨孤信自梁歸于魏

獨孤信求還北梁主許之信父母皆在山東梁主問信所適信曰事君者不敢顧私親而懷二心梁主以為義禮送甚厚信與楊忠皆至長安魏以為驃騎大將軍宇文泰愛忠之

通鑑卷之三十三 梁文帝中大通五年 三十三

勇留置 **質實** 山東注見 宋文帝 帳下 元嘉二十五年

秋八月魏大丞相泰伐東魏克恒農遣使喻降

河北城堡

魏宇文深勸宇文泰取恒農泰伐東魏以于謹為前鋒拔恒農時河北諸城多附東魏左丞楊柵請往說之乃與土豪舉兵收邵郡守令斬之說諭東魏城堡旬月之間歸附甚衆

集覽 柵匹 **質實** 恒農郡名注見普通六年鄭

始四年虞國楊標正平人于謹代人栗暉之子邵郡注見秦王政九年垣

梁脩長干塔

梁主脩長干寺阿育王塔出佛爪髮舍利幸寺設無礙食大赦胡氏曰佛固為賢然亦人耳使其心有道其骨毛爪齒若何而能神其徒寶而畜之者又云有五色珠璣附而生焉名曰舍利子云是精氣所結也是物也饑不可食寒不可衣病不可療無益生人梁武敬信之篤至幸寺設齋冀得護持

然不免餓死佛力果安在哉 **集覽** 長干寺塔長干寺今名天禧寺在金陵城南五里地名長干里阿育王塔在焉按談苑錢鏐曰釋迦真身舍利塔見在明州鄞縣阿育王所造人間八萬四千塔而此震旦得十九之一今



鄞縣東三十里有育王山出佛瓜髮舍

質實

利先是藏于塔中今出之而設齋焉
一統志云長干寺在應天府城東五里阿育王塔在寧波府城東五十二里阿育王山中廣利寺內東

書法

書作寺多矣未有書脩塔者書脩塔

是年丙寅年皆梁也

閏九月梁以武陵王紀為益州刺史

質實

武陵郡名

注見漢靈帝中平三年益

州注見晉武帝泰始八年

東魏大丞相歡

侵魏冬十月魏大丞相泰迎戰滑曲大敗之

東魏高歡將兵二十萬趣蒲津使高敖曹將兵三萬出河南時關中饑魏宇文泰所將不蒲萬人屯恒農五十餘日聞歡將濟河乃引兵入關敖曹遂圍恒農長史薛淑言於歡曰西人連年饑饉故冒死入陝州欲取倉粟今敖曹已圍陝城粟不得出但置兵諸道勿與野戰比及於秋其民自應餓死寶炬黑獺何憂不降願勿渡河侯景曰今茲舉兵形勢極大萬一不捷猝難收斂不如分為二軍相繼而進前軍若勝後軍全力前軍若敗後軍承之歡不從自蒲津濟河至馮翊謂魏刺史王羆曰何不降羆大呼曰此城是王羆家欲死

若來歡知不可攻乃涉洛軍於許原西秦至渭南徵諸州兵皆未會欲進擊歡諸將以衆寡不敵請待歡更西以觀其勢秦曰歡若至長安人情大擾今及其新至可擊也即造浮橋於渭令軍士齎三日糧輕騎度渭十月至沙苑距東魏軍六十里諸將皆懼宇文深獨賀曰歡鎮撫河北甚得衆心以此自守未易可圖今懸師渡河非衆所欲獨歡耻失竇秦復諫而來所謂忿兵可一戰擒也願假深一節發王羅之兵邀其走路使無遺類秦遣順昌公達奚武覘歡軍武從三騎皆效歡將士服日暮去營數百步下馬潛聽得其軍號因上馬歷營若警夜者有不如法往往撻之具知敵之情狀而還歡聞秦至引兵會之李弼謂秦曰彼衆我寡不可平地置陳此東十里

有渭曲可先據以待之秦從之背水東西爲陳李弼趙貴爲左右拒命將士皆偃戈於葦中約聞鼓聲而起晡時東魏兵至斛律羨舉曰黑獺舉國而來欲一死決渭曲葦深土濘無所用力不如緩與相持密分精銳徑掩長安巢穴既傾則黑獺不戰成擒矣歡曰縱火焚之何如侯景曰當生擒黑獺以示百姓若燒死誰復信之彭樂盛氣請鬪曰我衆賊寡何憂不克歡從之東魏兵望見魏兵少爭進擊之無復行列秦鳴鼓士皆奮起合戰李弼等帥鐵騎橫擊之東魏兵中絕遂大破之歡欲收兵更戰衆已退去斛律金曰衆心離散不可復用宜急向河東歡乃馳去夜渡河喪

甲士八萬人鎧仗十八萬秦追至河上選留甲士二萬餘人餘悉縱歸李穆曰高歡破膽矣速追之可獲秦不聽還軍渭南所徵之兵甫至乃於戰所人種柳一株以旌武功侯景言於歡曰黑獺驟勝而驕必不為備願得精騎二萬徑往取之歡以告婁妃妃曰設如其言景豈有還理得黑獺而失景何利之有歡乃止高敖曹聞歡敗釋恒農退保洛陽

集

覽忿兵漢魏相曰爭恨小故不忍憤怒者謂之忿兵兵忿者敗左右拒左傳曼伯為右拒祭仲足為左拒漢酈商傳從擊黥布攻其前拒徐廣注云拒一作和駟按拒方陳也拒

音矩索隱曰拒音巨鄒氏引左傳有左拒右拒徐云一作和和軍門也

質實河

郡名注見秦莊襄王元年三川饑饉釋名云穀不熟曰饑菜不熟曰饑陝州注見周顯王四十五年馮翊郡名注見唐玄宗開元十一年同州洛水名注見漢高后三年一統志云許原在西安府同州城北五十里沮水之澍渭南縣名注見漢獻帝建安十六年渭水名注見漢高帝五年沙苑在西安府同州城南一十二里一名沙阜其地宜畜牧唐於此置監順昌縣名注見齊王寶卷末元二年渭曲疑是地名未詳處所哺時釋名云日加申曰哺斛律金朔州敕部人河東郡名注見漢獻帝建安七年李穆成紀人

書法

迎戰何予之也是故周瑜書迎擊漢獻帝建安十三年張第書迎戰晉武

帝太康元年宇文泰書
迎戰是年皆予之也

魏大丞相泰伐東魏東魏秦州降泰遂畧定汾

絳

魏遣行臺王季海與獨孤信趣洛陽李顯趣
三荆賀拔勝李弼圍蒲坂高歡之西伐也蒲
坂民敬珍謂其從祖兄祥曰高歡迫逐乘輿
天下忠義之士皆欲傳刃於其腹今又稱兵
西上吾欲與兄起兵斷其歸路此千載一時
也祥從之糾合鄉里有衆萬餘會歡自沙苑
敗歸祥珍帥衆邀之斬獲甚衆賀拔勝李弼
至河東祥珍帥六縣十餘萬戶歸之宇文泰

以珍為平陽太守祥為行臺郎中東魏秦州
刺史薛崇禮守蒲坂其族弟善為別駕言於
崇禮曰高歡有逐君之罪善與兄忝衣冠緒
餘世荷國恩今大軍已臨而猶為歡守一旦
城陷送首長安署為逆賊死有餘愧及今歸
款猶為愈也崇禮猶豫不決善與族人斬關
納魏師宇文泰進軍蒲坂畧定汾絳凡薛氏
預開城之謀者皆賜五等爵善曰背逆歸順
臣子常節豈容闔門俱叨
封邑與其弟慎固辭不受
質實見秦王政十
四年別駕注見宋文帝元嘉二十八年秦州
注見周赧王十二年蒲坂汾絳二州名汾注
見周威烈王二十三年西河絳注見宋文帝
元嘉二十三年東雍州猶豫注見秦孝文王

通鑑綱目卷三十三

三八

元年蒲坂縣名注

見周赧王十二年

書法 東魏地不書東魏書東魏秦州何魏自有秦州也書東魏秦州所以別其

為蒲坂也

魏取洛陽豫州潁梁廣陽等州皆降

獨孤信至新安高敖曹引兵北度河信逼洛陽洛州刺史廣陽王湛棄城歸鄴信遂據金墉城孝武之西遷也散騎常侍裴寬謂諸弟曰天子既西吾不可以東附高氏帥家屬逃於大石嶺聞信入洛乃出見之潁州長史賀若統舉城降魏魏都督梁迥入據之梁州榮

陽廣州皆降十一月東魏行臺任祥攻潁川宇文泰使大都督宇文貴救之諸將咸以為彼眾我寡不可爭鋒貴曰彼謂吾兵少必不敢進合攻潁川城必危矣今進據潁川有城可守又出其不意破之必矣遂疾趨潁川背城為陳以待其至合戰大破之俘其士卒萬餘人悉縱之乘勝追擊大敗之東魏將是去寶殺其陽州刺史以降魏都督韋孝寬攻豫州拔之荊州刺史郭鸞攻東荊州刺史慕容儼晝夜拒戰二百餘日乘間出擊大破之時東魏河南諸州多失守唯東荊州獲全

集覽

賀若代北複姓其先居元朔隨魏南

質實

新安郡名注見楚義帝元年金墉城

注見魏元帝咸熙二年裴寬聞喜人大石嶺未詳處所按一統志唯河南府城東南四十二里有萬安山一名大石山北接登封縣未知是否明者察焉梁州注見唐玄宗開元九年浚儀鄴縣名注見漢獻帝建安十五年榮陽縣名注見秦莊襄王元年廣州注見漢獻帝初平元年魯陽潁川郡名注見漢後主建興十年韋孝寬杜陵人豫州注見漢光武建武十九年汝南潁州注見天監二年陽州注見周安王十一年宜陽

東魏濮陽陽平盜起濟州刺史高季式討平之

東魏濮陽民為盜濟州刺史高季式討擒之又擊陽平賊平之或謂季式曰盜不侵境而使私軍遠戰萬一失利豈不獲罪乎季式曰君何言之不忠也我與國家同安共危以此獲罪亦無所恨質實州注見晉帝奕太和元年高平陽平郡名注見晉孝武帝太元九年

戊梁大同四年魏大統
午四年東魏元象元年
春正月朔日食二月東

魏遣行臺侯景治兵虎牢復取汾潁豫廣四州

質實提要朔日食下有○魏廢其后乙弗氏立

柔然女郁久閭氏為后

初柔然頭兵可汗始得返國事魏盡禮永安以後不復稱臣置侍中黃門等官得魏淳于覃親寵任事使與文翰及是數為邊患魏宇文泰欲結婚以撫之以舍人元翌女為化政公主妻頭兵弟又言於魏主以乙弗后為尼使扶風王平迎頭兵女為后頭兵遂留東魏使者而送悼后於魏柔然營幕戶席皆東向平請正南面后曰我未見魏主固柔然女也魏仗南面賢實柔然北狄國名注見晉孝武我自東向賢實帝太元十二年未安魏孝莊帝年號扶風郡名注見周顯王八年岐

書法

凡廢立聯書所廢因所立也是故有陰氏而後郭氏廢漢光武建武十七

年有郁乂間氏而後乙弗氏廢是年有武氏而後王氏廢唐高宗永徽六年綱目皆聯書之所以志禍本也魏加柔然常書伐臣之也至是乃后其女焉又為之殺故后魏於是其不振甚矣書曰立柔然女深譏之也

發明

春秋內中國而外諸夏內諸夏而外夷狄冠履不可以倒置首足不可以失所聞以夏而制夷矣未聞以夷而制夏也魏氏不道欲立蠕蠕之女乃以無罪而黜其后是以夷狄而制諸夏矣中國胥為左衽人類變為禽獸以異類而母中國以毋后而就髡髮綱目於此謹之甚懼之甚故特揭柔然女以書之所以著魏氏之罪

而深惡之也任是責者舍黑願其誰歸

秋七月梁大赦

考證

下當書境內

以得如來舍利故也

集覽

如來晁迥曰本覺曰如今覺曰來故名如來見道院集

書法

修長干塔大赦不書於是得舍利大赦則何以書梁主溺於異教一赦甚

矣又可再乎雖欲畧之不可得也

八月東魏遣兵圍魏金墉魏大丞相泰救之斬

其將高敖曹復戰不利引還

東魏侯景高敖曹等圍魏獨孤信于金墉高歡帥大軍繼之魏主與宇文泰俱東李弼達奚武帥千騎為前驅至穀城侯景等欲整陳以待其至莫多婁負文請擊之進遇李弼敗死泰進軍灑東景等夜解圍去泰帥輕騎追至河上景為陳北據河橋南屬却山與泰合戰泰馬驚逸墜地東魏兵追及之左右皆散李穆以策扶泰罵之追者不疑穆因以馬授泰與俱逸魏兵復振擊東魏兵大破之高敖曹意輕泰建旗蓋以陵陳魏人盡銳攻之一軍皆沒敖曹單騎走投河陽南城守將高永樂與敖曹有怨閉門不受追者斬之高歡聞之如喪肝膽泰賞斬敖曹者布絹萬段歲歲稍與之比及周亡猶未能足魏又殺東魏將

宋顯等虜甲士萬五千人赴河死者以萬數
 然是日置陳既大首尾懸遠從旦至未戰數
 十合氛霧四塞莫能相知魏諸軍戰不利燒
 營而歸留儀同三司長孫彥守金墉王思
 政舉稍陷陳被劓悶絕思政每戰常著破衣
 弊甲敵不知其將帥故得免將軍蔡祐下馬
 帥左右十餘人擊東魏兵殺傷甚衆東魏人
 圍之祐彎弓持滿四面拒之東魏人募厚甲
 長刀者直進取之去祐三十步左右勸射之
 祐曰吾曹之命在此一矢豈可虛發將至十
 步祐乃射之應弦而倒東魏兵稍却祐徐引
 還祐每戰常爲士卒先戰還諸將皆爭功祐
 終無所言秦每歎曰承先口不言勲我當代
 其論敘因以王思政爲東道行臺使鎮恒農

集覽

莫多婁賁文莫多婁虜三字姓賁文其
 名以策扶秦策馬箠也扶敕栗反笞擊

也以策扶秦猶左傳歟以
 弋扶職之意承先蔡祐字

質實

穀城山名注
 見漢高帝五

年瀍東瀍水之東注見大同九年河橋注見
 漢和帝永元五年邛山注見漢靈帝中平六
 年河陽南城河陽縣名注見唐昭宗天祐二
 年又按一統志河陽三城在懷慶府孟縣西
 南舊有三城按比齊書神武使潘岳鎮比城
 卽舊比中府城今下孟州是高永樂守南城
 今孟津是中澗
 城今夾灘是

魏長安亂丞相秦討平之

魏之東伐也。關中守兵少，前後所虜東魏士卒散在民間，聞魏兵敗，謀作亂。李虎與周惠達等奉太子欽出屯渭北，關中大擾。於是趙青雀等遂反，據長安子城，雍州民于伏德與咸陽太守慕容思慶各收降卒以拒還兵。長安大城民相帥以拒青雀，屢破之。魏主留閔鄉宇文泰以士馬疲弊不可速進，且謂青雀等烏合不能為患，曰：我至長安，以輕騎臨之，必當面縛。散騎常侍陸通諫曰：賊逆謀久定，安可輕也。且賊詐言東寇將至，若以輕騎臨之，百姓益當驚擾。今軍雖疲弊，精銳尚多，以明公之威，總大軍以臨之，何憂不克。泰從之，引兵西入，父老悲喜，士女相賀。華州刺史宇文導襲咸陽，斬思慶，擒伏德，南渡渭，與泰相會，攻青雀破之。

質實 渭北渭水之北，注見漢高后二年。咸陽郡名，注見周顯王十九年閩鄉地名，注見漢武帝征和二年湖縣面縛，注見漢順帝漢安元年安定郡名，注見漢光武建武元年。

東魏大丞相歡拔金墉魏師走

歡自晉陽將騎濟河，遣別將追魏師至崤，不及，自攻金墉。長孫子彥棄城走，歡毀金墉而還。

質實 崤山名，注見漢光武建武九年。

東魏范陽人起兵應魏東魏討平之

范陽盧仲禮及從弟景裕起兵應魏東魏討
平之景裕本儒生歡釋之使教諸子景裕講
論精微難者或相詆訶大聲厲色而景裕神
彩儼然風調如一從容往復無際可尋性清
靜歷官屢有進退無得失之色弊衣
糲食恬然自安終日端嚴如對賓客
如一言節操不變也調去聲韻
會去聲操字下注云風調曰操
漢帝玄更始二年涿郡從
容注見漢後主延熙元年

書法

盧景裕兄弟也不書叛書起兵何應
魏正也郭質起兵則書名此但人之
何景裕不能死志苟免於歡則亦不足錄
也已故東魏得書討綱目人之而不書其

名其為不能守
義之戒深矣

發明

上書起兵應魏若有勤王之意下書
東魏討平之則是叛亂之人爾蓋高
歡雖有逐君之罪而宇文泰亦
有弑逆之惡是以書法如此

冬十二月魏復取洛陽及廣州

魏是云寶襲洛陽趙剛襲廣州皆拔
之於是自襄廣已西城鎮復為魏
二州名襄注見周赧王七年應
廣注見漢獻帝初平元年魯陽

東魏禁擅立寺

魏自正光以後四方多事民避賦役多為僧尼至二百萬人寺三萬餘區至是始詔長吏擅立寺者計庸以枉法論

質實

正光魏孝明帝年號

盜殺魏廣州刺史李延孫

初魏伊川土豪李長壽為防蠻都督孝武西遷長壽帥其徒拒東魏魏以為廣州刺史侯景攻殺之子延孫復收其兵魏之貴臣皆往依之延孫資遣衛送使達關中東魏高歡患之數遣兵攻之不能克延孫以澄清伊洛為巴任魏以韋法保為東洛州刺史助之既至與延孫連兵置柵於伏流是歲延孫為其長史所殺法保即據其柵

質實

伊川郡名

注見漢帝玄更始二年陸渾伊洛二水名注見漢高后三年東洛州未詳沿革

書法

殺之者長史也其書盜何延孫自父長壽不從東魏每以澄清為已任則

魏之忠臣也殺魏忠臣是黨賊也亦賊而已矣故書盜

魏取宜陽行臺王思政城玉壁徙鎮之

東魏將段琛等據宜陽遣牛道恒誘魏邊民韋孝寬患之乃詐為道恒書歸款使謀遺之琛營琛果疑之孝寬乘其猜阻襲而擒之崱颯遂清王思政以玉壁險要請築城自恒農徙鎮

集覽

使謀遺之謀猶今言細作也令故遺失其書於琛營中以間之

質

實 宜陽縣名注見周安王十一年 嶠 澠 嶠山 名注見漢光武建武九年 澠水名注同上

三年玉壁城名 注見大同八年

書法 城不書必關要而後書 故自是凡四書玉壁

東魏改停年格


東魏以高澄攝吏部尚書始改崔亮年勞之制 銓擢賢能又沙汰尚書郎妙選人地以充之 凡才名之士皆引 致門下與之遊宴

已 梁大同五年魏大統 春正月梁以何敬容為 未 五年東魏興和元年

尚書令

自晉宋以來宰相皆以文義自逸敬容獨勤 簿領日晡不休為俗所嗤自徐勉周捨既卒 當權要者外朝則何敬容內省則朱异敬容 質慤無文以綱維為已任异文華敏洽曲營 世譽善伺主意為阿諛用事三十年廣納貨 賂欺罔視聽遠近莫不忿疾園宅玩好飲膳 聲色窮一時之盛每休下車馬 **集覽** 勤簿領 填門唯王承王稚及褚翔不往 **勤** 勤於簿 書及所領之事休下注見 漢昭帝始元四年休沐

魏大丞相奏置行臺學



泰於行臺置學令丞郎府
佐旦治公務晚就講習

書法 書泰置何
嘉泰也

夏五月東魏立后高氏

歡之
女也

秋九月東魏城鄴 **考異** 提要無秋
字八年同 ○冬十月魏

置紙筆于陽武門以求言

書法 皆東魏所未有也特書嘉之終綱目
書求言一是年求直言五詳漢文帝

二年

○十一月東魏行興光曆

校書郎李業興
所脩也行之 **質實** 李業興
上黨人

梁分諸州為五品

朱异奏頃來置州稍廣而小大不倫請分為
五品其位秩高卑參僚多少皆以是為差詔
從之於是上品二十州次品十州次品八州
次品二十三州下品二十一州梁主方事征
伐恢拓境宇北踰淮汝東距彭城西開牂牁
南平俚洞建置州郡紛綸甚衆其下品皆異

國降人有名無地職貢罕通五品之外又有二十餘州不知處所凡一百七州又以邊境鎮戍雖領民不多欲重其將帥皆集覽俚洞建為郡州郡雖多而戶口日耗矣夷種淮汝二水名淮注見漢高后三年質實汝注見晉帝奕太和四年彭城郡名注見秦始皇二十八年牂牁郡名注見漢武帝元光五年

魏制禮樂

魏自西遷以來禮樂散逸宇文泰命僕射周惠達郎中唐瑾損益舊章至是稍備

質

實唐瑾北海平壽人承次子

書法

長安草創泰念及此書予之也

發明

昔魯兩生謂百年積德而後禮樂可與今魏日尋干戈乃欲制此綱目因

書于冊亦所以矜而進之

庚梁大同六年魏大統中六年東魏興和二年春二月柔然侵魏魏主

殺其故后乙弗氏

魏文后既為尼居別宮悼后猶忌之柔然為之舉國南侵魏主乃賜文后自盡宇文泰召諸軍屯沙苑以備柔然周惠達發士馬守京城塹諸街巷召雍州刺史王羆議之羆謂使

者曰若蠕蠕至渭北王罷自帥鄉里破之何
為天子城中作如此驚擾柔然至夏州而退
未幾悼后 **集覽** 蠕蠕注見晉孝武帝
亦遇疾殂 **質實** 沙苑

地名注見
大同三年

發明 古人殺一不辜而得天下有所不為
况以無罪殺一國母而又無補於事

乎黑獺當國不能制禦外侮魏王迫於虜
寇屈意行戮綱目上書柔然侵魏下書魏
王殺其故后則見中國不能自立受制夷
狄明矣三綱殄滅禽獸偏人其不胥為異
類者幾希汗
可畏也哉

夏閏五月朔日食○秋八月梁司空袁昂卒

昂遺疏不受贈謚梁
主不許謚曰穆王

冬十一月吐谷渾遣使如東魏

吐谷渾自莫折之亂不通于魏伏連籌卒子
奔呂立始稱可汗其地東西三千里南北千
餘里是歲始遣使假
道柔然聘於東魏 **集覽** 莫折之亂普通五
年魏秦州莫折大

提反

辛梁大同七年魏大統 **秋七月魏以宇文測為**
酉七年東魏興和三年

大都督行汾州事

測深之兄也為政簡惠得士民心汾州地接東魏東魏人數來寇抄測擒獲之解縛引見待以客禮并給糧餼衛送出境東魏人大慙不復為寇或告測交通境外者宇文泰怒曰測為我安邊何得質實汾州注見周威烈王間我骨肉命斬之質實二十三年西河寇抄注見漢光武建武十五年糧餼注見天監四年餼廩

九月魏省官員置屯田頒六條

宇文泰欲革時政為疆國富民之法度支尚書蘇綽贊成其事減官員置一二長并置屯田以資軍國又為六條詔書一曰清心二曰敦教化三曰盡地利四曰擢賢良五曰恤獄訟六曰均賦役泰常置諸坐右令百司習誦之非通六條及計帳者不得居官既而又益新制十
二條

冬十月東魏頒麟趾格

東魏詔羣官於麟趾閣議定法制謂之麟趾格行之

十二月梁交州李賁反遣兵討之

交趾李賁世豪右仕不得志又有并韶者富詞藻詣選求官尚書蔡搏以并姓無前賢除

廣陽門郎詔耻之遂與賁謀作亂會交州刺史

史武林侯諮以刻暴失衆心二人因連結數

州豪傑俱反梁主遣諮與高州刺史

孫罔新州刺史盧子雄將兵擊之

選去聲謂選曹

也主銓選事

質實

交趾郡名注見唐宣宗

太中二年交州注同上

元年安南高州注見宋文帝元嘉八年高涼

一統志云新州梁初所置即秦之南海郡地

漢置臨允縣屬合浦郡東晉始析置新興郡

及新寧郡梁兼置新州隋初郡廢大業初廢

州以縣屬信安郡又省索盧縣入馬唐初復

置新州治新興縣天寶初改新興郡乾元初

復為新州宋仍舊元改置新州路尋復為州

本朝因之屬肇慶府武林本漢猛陵縣地名

東魏大稔

屬蒼梧郡晉置武城縣劉宋改置武林縣屬

永平郡隋初屬藤州唐貞觀中分置平南縣

後自武林移龔州治此領陽川武林隋建大

同四縣宋省四縣入平南後又以思明州之

武郎縣省入紹興中州廢以縣隸潯

州元仍舊本朝因之屬潯州府

魏自喪亂以來農商失業六鎮之民就食齊

晉東西分裂連年戰爭公私困竭民多餓死

高歡命諸州濱河皆置倉積穀以相轉漕供

軍旅備饑饉又於傍海煮鹽軍國粗贍又以

諸州調絹不依舊式民甚苦之奏令悉以四

十尺為匹至是東方連歲大稔穀斛至九錢

山東之民稍復蘇息矣。臨淮王孝友言：令制百家為族，二十五家為閭，五家為比。百家之內有帥，二十五徵發皆免，苦樂不均，復有蠶食為弊久矣。京邑諸坊，或七八百家，唯一里正二史，庶事無闕，請每閭止為二比，計族省十二丁，貲絹番兵所益甚多。事下尚書，寢不行。胡氏曰：農者天下之大本，軍國之用無不資焉。然惟知王道者，乃知恤農。假仁者次之，恃力麀兵者多，不以經意。高歡用武，至是十年，恤農之詔不頒，劭農之政不施。但聞准式調絹，置倉儲穀而已，可謂知所先務乎？是時河南戰爭，鞠為茂草，而僧尼至二百萬人，若使自相配偶，授以荒餘之地，給其牛種，置田官督護之，不四三年足食，足食足兵，富彊孰禦焉。

集覽

百家為族，二十五家為閭，五家為比。禮大司徒令五家為比，使之相保，五比為閭，使之相受，四閭為族，使之相葬，五族為黨，使之相救。注：此所以勸民者也。使之者，皆謂立其長而教令使之，保猶任也。救，救凶災也。比，毘至反。番，兵番更遞也。漢書番休遞上。麀，兵。晉灼曰：盡死殺人為麀。文穎曰：麀音意。曹反。顏師古曰：麀字本從金，鹿聲，轉為訛耳。麀謂苦擊而多殺也。今俗猶謂打擊之甚者曰麀。

質實 臨淮郡名，注見新莽天鳳四年。齊晉二州名，齊注見漢景帝三年，濟南晉注見漢獻帝建安七年，河東。

書法

書大稔始此，終綱目書大稔四，是年唐高宗永徽元年，德宗貞元三年，憲

宋元和六年大熟一
晉孝武帝太元七年

發明

前日梁書大有年而北境則未聞也
今魏氏東西分裂用兵不息視民如
禽獸烏有所謂務本劭農之政而是歲書
東魏大稔若可深嘉而喜幸之者然不知
一國僅稔則他國之歉為可知一歲僅稔
則他歲之歉又可知綱目書此正所謂歎
美不見於有餘羨慕
常生於不足者也吁

壬梁大同八年魏大統
戊八年東魏興和四年 春正月梁安成妖人作

亂三月江州司馬王僧辯討平之

安成望族劉敬躬以妖術惑衆遂據郡反南
方久不習兵人情擾駭江州刺史湘東王繹

遣司馬王僧辯討斬之僧辯該博辯捷
器宇肅然雖射不穿札而志氣高遠

射不穿札札甲札也編之如櫛齒相比射之
不能穿言其無力也養由基射穿七札注見

唐高宗儀 質實 安成郡 名注見晉安帝元興
鳳三年 元年江 州注見晉明帝太寧

二年潯陽湘東郡名注 見漢獻帝
興平元年長沙王僧辯 祁縣人

魏初置六軍○秋八月東魏以侯景為河南大

行臺質實 河南郡名注見 宋
主昱元徽元年 ○冬十月東魏大

丞相歡圍魏玉壁不克而還

高歡擊魏入自汾絳連營四十里宇文泰使王思政守玉壁以斷其道歡圍玉壁九日遇大雪士卒多死遂解圍去質實一統志云玉壁城名在平陽府稷山縣西南一十二里乃元魏所築後周移高梁縣治于此

十二月梁盧子略作亂廣州參軍陳霸先討平之

孫罔盧子雄討李賁以春瘴方起請待至秋武林侯諮趣之衆潰而歸諮誣奏罔及子雄

逗留賜死子雄弟子畧及杜僧明周文育等帥衆攻廣州參軍吳興陳霸先帥精甲三千擊破之擒僧明文育霸先以二人驍勇過人釋之以爲主帥詔以霸先爲直閣將軍覽參軍吳興屬下句參軍謂陳霸先也吳興郡長城下若里人按吳興今湖州是實逗留注見漢宣帝本始三年杜僧明廣陵人周文育陽羨人吳興郡名注見宋明帝泰始二年

癸亥 梁大同九年魏大統九年 春二月東魏北豫州刺史


高仲密以虎牢降魏三月魏大丞相泰帥軍

應之及東魏大丞相歡戰于邙山大敗而還考

異提要滌魏字

東魏御史中尉高仲密取崔暹之妹既而棄之由是與暹有隙選用御史多其親黨高澄奏令改選仲密疑暹構已愈恨之仲密後妻李氏秀而慧澄見而悅之李氏不從以告仲密仲密益怨尋出為北豫州刺史陰謀外叛高歡疑之遣奚壽典其軍事仲密執之以虎牢降魏歡以事由崔暹將殺之高澄為之固請歡乃釋之魏宇文泰帥諸軍應仲密三月圍河橋南城高歡將兵十萬至河北泰退軍灑上縱火船於上流以燒河橋斛律金使

張亮以小艇百餘載長鎖伺火船將至以釘釘之引鎖向岸橋遂獲全歡渡河據邙山為陳數日泰留輜重夜襲之歡聞之正陳以待黎明泰至東魏彭樂以數千騎衝魏軍所向奔潰遂馳入魏營虜泰督將僚佐四十八人諸軍乘勝擊魏大破之斬首三萬餘級歡使樂追泰泰窘謂樂曰擬男子今日無我明日豈有汝邪何不急還營收汝金寶樂從其言獲泰金帶一囊以歸言於歡曰黑獺漏刃破膽矣歡怒其失泰梓其頭連頓之舉刃將下者三三宗齡良父樂曰乞五千騎復為王取之歡曰汝縱之何意而言復取邪明日復戰泰為中軍與右軍若干惠合擊東魏大破之悉俘其步卒歡失馬赫連陽順下馬以授歡歡



走從者七人追兵至都督尉興慶拒戰矢盡而死東魏降者告秦以歡所在秦募勇敢三千人皆執短兵配賀拔勝攻之勝執槊逐之馳數里槊刃垂及歡氣殆絕段韶射勝馬斃之歡遂逸去勝歎曰今日不執弓矢天也左軍趙貴亦戰不利東魏兵復振秦與戰又不利遂遁入關屯渭上歡進至陝秦使開府儀同三司達奚武拒之行臺郎中封子繪言於歡曰混一東西正在今日若復遲疑後悔何及歡深然之諸將咸以為野無青草人馬疲瘦不可遠追陳元康曰兩雄交爭歲月已久今幸而大捷天授我也時不可失當乘勝追之歡曰若遇伏兵柰何元康曰前沙苑失利彼尚無伏今奔敗若此何能遠謀君捨而不

追必成後患歡不從而歸獨使劉豐生將數千騎追秦初秦召王思政於玉壁將使鎮虎牢未至而敗乃以為并州刺史守恒農思政入城開門解衣而臥慰勉將士示不足畏後數日豐生至憚之引還思政乃修城郭起樓櫓營農田積芻粟由是恒農始有守禦之備秦亦廣募閑隴豪右以增軍旅高仲密之將叛也陰遣人扇動冀州豪傑使為內應東魏遣高隆之馳驛慰撫由是得安高澄密書與隆之曰仲密枝黨與之俱西者宜悉收其家屬以懲將來隆之以為恩旨既行理無追改若復收治示民不信脫致驚擾所虧不細乃啓歡

集覽

溼上地名在溼水之上禹貢伊洛溼澗蔡氏傳曰地志溼水出河南

穀城縣濟亭北今河南府河南縣西北有古穀城其北山實灑水所出至偃師縣入洛釘釘上釘鐵釘也下釘去聲黎明注見漢武帝元鼎六年黎且噤斷噤渠飲反口閉也斷下戒反齒相切也韋懷曰噤斷切齒怒貌若干惠若干音惹奸虜複姓惠其名也渭上渭水之上注見漢高后三年北豫州注見秦莊襄王元年成臯陝州名注見周顯王四十五年一統志云灑水源出河南府洛陽縣穀城山東流入于洛輜重注見周顯王三十六年冀州注見秦二世二年信都

發明

仲密實叛何以不書高澄無道亂男女之別至啓邊禍故綱目特書以虎

牢降魏而不書
叛者罪高澄也

夏四月清水氏叛魏魏遣使喻降之

清水氏酋李鼠仁乘魏之敗據險作亂獨孤信屢擊之不克宇文泰遣典籤趙昶往諭之諸酋長或從或否其不從者欲刃昶昶神色自若辭氣逾厲鼠仁感悟遂相率降泰即以昶為都督
質實 清水郡名注見漢光武建武六年典籤官名注見宋營陽使領之
王景平二年趙昶天水人貴之子
西長注見新莽始建國二年酋豪

東魏復取虎牢

宇文泰遣謀潛入虎牢令守將魏光固守侯景獲之改其書云宜速去縱謀入境光宵遁景獲高仲密妻子送鄴北豫洛二州復入于東魏高歡以高軌有義勳高昂死王事季式先自告皆為之請免其從

質實

課注見陳後主禎明元年

虎牢縣名注見晉帝奕大和四年鄴縣名注見漢獻帝建安十五年高昂渤海脩人祐從父弟翼之子

魏以侯景為司空○秋八月東魏以斛律金為

大司馬○冬十一月東魏築長城于肆州

西自馬陵

集覽

馬陵注見周顯王二十八年東至土澄

鄧

質實

肆州注見晉孝武反

梁大同十年魏大統十年東魏武定二年

春三月東魏以高澄為

大將軍領中書監

高歡多在晉陽委孫騰司馬子如高岳高隆之以朝政鄴中謂之四貴權勢熏灼專恣驕貪歡欲損奪其權故以澄領中書監移門下機事總歸中書文武賞罰皆稟於澄孫騰見澄不肯盡敬澄叱左右牽下築以刀環立之門外歡謂羣公曰兒子浸長公宜避之於是

公卿以下無不聳懼庫狄干澄姑之壻也自定州來謁立門外三日乃得見澄欲置腹心於東魏主左右擢崔季舒為中書侍郎

集覽

中書監監本平聲讀如三監之監後

皆轉為質實晉陽郡名注見周威烈王二十三年高岳渤海脩人允之從孫

去聲定州注見周威烈王二十三年中山崔季舒博陵人子瑜之子

夏四月梁尚書令何敬容有罪免

敬容復為太子詹事嘗於玄圃自講老莊敬容謂人曰昔西晉祖尚玄虛使中原淪於胡羯今東宮復爾江南亦將為戎乎胡氏曰何敬容之言是也然老莊之害未甚於佛敬容

為大臣十餘年見武帝奉佛舍身不脩國政曾無一言諫止之今傳儲君心知老莊之非又不面陳而私與同列論議且國將為戎豈小故也此而可隱孰不可隱敬容於是乎不忠之甚矣

集覽

胡羯胡虜戎羯也說文羯羊羖羯也以為虜之別號按吳漢傳注羯

質實

本匈奴別部分散居上黨武鄉羯室因號胡羯此總謂戎夷耳不特指於羯也

五月魏大都督琅邪公質拔勝卒

宇文泰常謂人曰諸將對敵神色皆動唯賀拔公臨陳如平時真大勇也

質實

琅邪

郡名注見漢光武建武五年

秋七月魏更權衡度量頒新制

魏更權衡度量命尚書蘇綽損益三十六條之制頒行之搜簡賢才為牧守令長皆依新制而遣焉數年

集覽

權衡度量注見晉安帝隆安二年

東魏以崔暹為中尉宋遊道為左丞

魏自正光以後政刑弛縱在位多貪汙高歡啓以宋遊道為御史中尉澄請以崔暹為之以遊道為尚書左丞謂曰卿一人處南臺一人處北省當使天下肅然暹選畢義雲等為

御史時稱得人澄與諸公出之東山遇暹於道前驅為赤棒所擊澄回馬避之尚書令司馬子如太師咸陽王坦貪黷無厭暹彈之削其官爵其餘死黜者甚眾歡與鄴下諸貴書曰崔暹居憲臺咸陽王司馬令皆吾布衣之舊同時獲罪吾不能救諸君其慎之遊道奏駁尚書違失數百條省中豪吏並鞭斥之高隆之誣遊道有不臣之言罪當死黃門侍郎楊愔曰畜狗求吠今以數吠殺之恐將來無復吠狗遊道竟坐除名後歡至鄴百官迎於紫陌歡握崔暹手而勞之然暹實巧詐高澄納魏琅邪公主意暹必諫暹入詔事不復假於顏色居三日暹懷刺墜之於前澄問何為暹悚然曰未得通公主澄大悅把暹臂入見

之崔季舒語人曰崔暹常忿集覽奏駁注見漢明帝永

吾佞及其自作乃過於吾平八年駁議懷刺刺七賜反書質實宋遊道

姓名於奏白曰刺漢書曰漫刺敦煌人

繇之曾孫東山在彰德府臨彰縣西南十五里東魏高澄嘗於此鑿池以為遊玩之所今名東峒山咸陽郡名注見周烈王十九年

冬十月東魏括戶均賦

東魏以喪亂之後戶口失實徭賦不均以孫騰高隆之為括戶大使分行諸州得無籍之戶六十餘萬僑居者皆勒還本屬集覽分行謂至諸州有所案察也行下孟反

乙梁大同十一年魏大統丑十一年東魏武定三年春正月東魏作晉陽

宮

高歡言并州軍器所聚動須女功請置宮以處配没之口於是置晉陽宮質實并

注見齊明帝建武三年一統志云晉陽宮在太原府太原縣治東唐城內本春秋時董安

于理晉陽公宮即此北齊於此城中置大明宮宮內建宣德崇德大明景福四殿德陽萬

壽二堂俱廢

三月魏遣使如突厥

突厥本西方小國姓阿史那氏世居金山之陽其酋長土門始疆大頗侵魏西邊至是魏使至其國人皆喜曰大國使者至吾國其將興矣

集覽

突厥董衝釋音曰突陀沒

反厥九勿反漢書音義曰夏曰獯鬻殷曰鬼方周曰玁狁漢曰匈奴魏曰突厥世居金山工於鐵作金山狀如兜鍪其俗呼兜鍪為突厥因為國號

質實

一統志云突厥北胡

種落不一歷代名稱各異夏曰獯鬻周曰玁狁秦漢皆曰匈奴唐曰突厥宋曰契丹自漢以來匈奴頗盛後稍弱而烏桓興漢末鮮卑滅烏桓盡有其地後魏時蠕蠕獨強與魏為敵蠕蠕滅而突厥起盡有西北地唐貞觀中李靖滅之其後靺鞨餘種散居陰山自號韃

韃五代及宋契丹復盛別部小者曰蒙古曰泰赤烏曰塔塔兒曰克烈各據分地既而蒙

古兼并有之遂入中國代宋稱號曰元十四傳後天命歸於本朝元帝遁于朔漠傳子

愛猷識里達臘傳脫古思帖木兒為也逮迭兒所弒其部屬皆奔散來附洪武未遣將往

討其罪追至撒撒兒山大敗之自是不敢近邊永樂中有本雅失里者及其下馬哈木阿

魯台奉貢惟謹因封馬哈木為順寧王阿魯台為和寧王已而叛服不常遣使諭之不悛

車駕屢親征之諸胡始平本雅失里妻率其部屬來朝願居京師宣德中馬哈木攻殺阿

魯台欲領部落人心不服乃求元之後脫脫不花立為王居沙漠之比馬哈木子脫懽脫

權子也先居沙漠之西北瓦刺正統初借遣使朝貢歲以為常朝廷賞賚甚厚其後負德入寇歸而自相篡戮本朝因而絕之

書法 突厥始見綱目

夏六月魏作大誥

晉氏以來文章競為浮華魏宇文泰欲革其弊命蘇綽作大誥宣示羣臣戒以政事仍命自今文章皆依此體

書法 莽作大誥不書此何以書莽詐而魏實也故書魏不書莽

梁遣兵討李贲敗之

贲自稱越帝置百官梁遣交州刺史楊曠討贲以陳霸先為司馬定州刺史蕭勃會曠於西江詭說留曠曠集諸將問計霸先曰定州偷安目前不顧大計節下奉辭伐罪當死生以之豈可逗撓不進長寇沮眾乎遂勒兵先發曠以霸先為前鋒贲敗奔嘉寧城圍之

集覽 曠匹妙反又批招反節下注見晉成帝咸康四年逗撓注見漢武帝元光二年

賈實 交州注見唐宣宗太中二年安南一統志云定州本秦桂林郡之南境漢為鬱

林郡之廣鬱縣吳改陰平縣晉改鬱平縣仍屬鬱林郡梁置定州改南定州隋初郡廢改

曰尹州大業初又改鬱州治鬱林縣尋改鬱林郡唐初改南尹州貞觀中改貴州仍舊治天寶初改懷澤郡乾元初復為貴州宋改鬱平縣曰鬱林縣為州治元仍舊本朝廢鬱林縣以州為縣改屬潯州府西江未詳處所唯廣州府南海縣境內有西江自廣西諸蠻地發源經邕橫潯容藤州有繡水漓水與此水合流於蒼梧過德慶肇慶下與潯水合流入于海未知是否明者

察馬嘉寧城未詳處所

冬梁復贖刑法

書法 四十四年立罷復凡三書矣綱目書贖刑三皆梁也

○梁散騎常侍賀琛上書論事詔詰責之

琛啓陳四事一曰今北邊稽服正是生聚教訓之時而天下戶口減落關外彌甚郡不堪州之控總縣不堪郡之哀削民不堪命各務流移此豈非牧守之過歟東境戶口空虛皆由使命繁數驚困拱手聽其漁獵罪吏因之重為貪殘雖年降復業之詔屢下蠲賦之恩而民不得反其居也二曰今守宰所以貪殘良由風俗侈靡使之然也今之燕喜相競誇豪積果成丘列肴如綺而賓主之間裁取蒲復又畜妓之夫無有等秩淫侈成俗日見滋甚欲使人守廉白安可得邪誠宜嚴為禁制道以節儉糾奏浮華變其耳目三曰陛下憂

念四海不憚勤勞至於百司莫不奏事但弔
筭之人詭競求進不論國之大體惟務吹毛
求疵以深刻爲能以繩逐爲務迹雖似於奉
公事更成其威福誠願責其公平之效黜其
讒慝之心則下安上謐無徼倖之患矣四曰
今天下無事而猶且不暇給宜省事息費養
民聚財應內省職掌各檢所部有宜除除之
有宜減減之興造有非急者徵求有可緩者
皆宜停省以息費休民夫畜其財者將以大
用之也養其民者將以大役之也若言小事
不足害財則終年不息矣以小役不足妨民
則終年不止矣如此則難可以語富彊而圖
遠大矣啓奏梁主大怒召主書於前口授敕
書曰朕有天下四十餘年公車讜言日關聽

覽卿不宜自同闕茸止取名字宣之行路言
我能上事恨朝廷之不用何不分別顯言某
刺史橫暴某太守貪殘某使者漁獵邪士民
飲食過差若加嚴禁益增苛擾若指朝廷我
無此事昔之牲牢久不宰殺朝中會同菜蔬
而已我非公宴不食國家之食凡所營造皆
以雇借成事絕房室三十餘年雕飾之物不
入於宮不飲酒不好音朝中曲宴未嘗奏樂
三更治事日常一食昔腰十圍今裁二尺爲
誰爲之救物故也卿又欲禁百司奏事詭競
求進偏聽生姦獨任成亂二世之委趙高元
后之付王莽呼鹿爲馬又可法歟治署邸肆
何者宜除何者宜減何處興造非急何處徵
求可緩各出其事具以奏聞富國彊兵之術

息民省役之宜並宜具列若不具列則是欺罔琛但謝過而已不敢復言梁主為人孝慈恭儉博學能文勤於政務冬月視事執筆觸寒手為皴裂自天監中用釋氏法長齋一食惟菜羹糲飯而已身衣布衣木綿皂帳一冠三載一衾二年後宮衣不曳地性不飲酒非祭祀饗宴及諸法事未嘗作樂雖居暗室恒理衣冠小坐盛暑未嘗褰袒對內豎小臣如遇大賓然優假士人太過牧守多侵漁百姓使者干擾郡縣又好親任小人頗傷苛察多造塔廟公私費損江南久安風俗奢靡故琛啓及之梁主惡其觸實故怒司馬公曰梁高祖之不終也宜哉賀琛之諫亦未至於切直而高祖已赫然震怒護其所短矜其所長困

以難對之狀責以必窮之辭然則自餘切直之言過於琛者誰敢進哉由是姦佞居前而不見大謀顛錯而不知名辱身危覆邦絕祀豈不哀哉○梁主敦尚文雅疎簡刑法自公卿大臣咸不以鞠獄為意姦吏招權弄法貨賂成市枉濫者多大率二歲刑已上歲至五千入○梁主年老又持佛戒每斷重罪則終日不憚或謀反逆事覺亦泣而宥之由是王侯益橫或白晝殺人暮夜剽掠梁主深知其弊而溺於慈愛不能禁也 **集覽** 控控若貢反控總或控恂音孔總王逸曰困苦也一曰事多增損不暇給也袁削袁蒲侯反聚斂也削刻剥也漁獵言掎克其民若漁獵然繩逐彈治而逐黜之索隱曰繩索也所以

彈畫而取直者言吏之治事亦猶繩也關茸
關徒合反下也茸人勇反細毛貌關茸謂非
豪傑也賈誼續離騷關茸尊顯兮讒諛得志
顏師古曰關茸下材不肖之人昔腰十圍言
我之腰往昔有十圍之寬肥也韻會注一圍
五寸又云一圍三寸或云兩手合而圍之為
一圍糲飯糲又音厲麤米也所謂脫粟飯也
張晏曰一斛粟舂七斗米為糲九章算術粟
五十糲率三十一斛粟得六斗米為糲衣不
曳地曳以制反引也衣長不被土鞠獄鞠本
作鞠窮理
罪人也
質實 賀琛會稽山陰人循之玄孫
陛下注見漢光武建武二十
七年斗筭之人語子路篇斗筭之人何足算
也注斗量名容十升筭竹器容斗二升算亦

作筭數也斗筭之人言鄙細也不足數之吹
毛求疵注見宋順帝昇平王年二世之委趙
高事在秦二世元年元后之付王莽事在漢
哀帝元壽二年呼鹿為馬事在秦二世三年
內豎未冠者之官名周禮內豎掌內外之通
令凡小事若祭祀賓客喪紀之事則為內人
蹕蓋童子出入便疾故使之往來無
嫌也公車宮名注見漢文帝三年

書法

前書江子四為右丞美從諫也梁主
自是漸不克終矣書論事平辭也書

詰責之甚辭也非所責而厚責焉梁主所
以無令終也綱目書上疏論事二賀琛書
詔詰責之是年康澄書優詔答之後
唐壬辰年合而觀之梁主為有愧矣

發明 梁主怒賀琛之諫司馬公光論之當矣綱目特以詰責書之異乎與王賞

諫臣聞善則拜者矣

魏遣使執其瓜州刺史鄧彥

魏東陽王榮為瓜州刺史與其壻鄧彥偕行榮卒瓜州首望表榮子康為刺史彥殺康而奪其位魏不能討因以彥為刺史屢徵不至宇文泰以申徽為河西大使令圖彥徽以五十騎行既至止於賓館彥入謁徽執之因宣詔慰諭吏民且云大軍續至城中無敢動者

質實

東陽縣名注見宋營陽王昇平元年瓜州注見唐莊宗同光二年晉昌申徽魏

郡人

書法

執者執無罪也彥不為無罪而以執書之何譏用詐也彥殺元康奪其位

討之可也既以為刺史而又遣使執之非刑矣綱目譏用詐是故鄧彥書瓜州是年

王弁書開州唐憲
宋元和十四年

丙梁中大同元年魏大統
寅十二年東魏武定四年 春三月梁主講佛書

於同泰寺夏四月同泰浮圖災復作之

梁主幸同泰寺講三慧經四月解講是夕浮圖災梁主曰此魔也更宜廣為法事遂起十

二層浮圖將成

集覽

同泰浮圖災同泰寺在臺城內梁武帝造大佛

閣七層為天火所焚浮圖塔也梵語浮圖華言聚相有傳天火曰災人火曰火公羊傳襄

九年大者曰災小者曰火注大者謂正寢社稷宗廟朝廷也下此則小矣疏云本實是火

而謂之災災者害物之名故可以見其大於火也

質實

一統志云同泰寺在應天

府上元縣治東北五里臺城內寺即梁武帝捨身處寺前有醜石四各高丈餘俗呼為三

品石宋王安石詩草沒苔侵棄道周誤恩三品竟何酬國亡今日頑無耻自謂當年不與

謀

書法

魏主講佛書書親異之也己丑年此其不書親何嘗再捨身則親講不足

異矣前再講涅槃不書是年中大同三年此何以書為浮圖災書也上書講佛書同

泰寺繼書同泰浮圖災再書同泰所以著感應之效也而復作之愚亦甚矣書深譏

之

發明

人火曰火天火曰災梁主捨國事而講佛書天既火其浮圖以警之矣猶

不知悟方更增而廣之綱目書災書復作所以深譏之也

五月魏涼州亂討平之

魏以史寧為涼州刺史前刺史宇文仲和據州不受代瓜州民張保殺刺史晉昌民吳興殺太守以應之宇文泰遣獨孤信怡峯與史寧討之寧曉諭吏民率皆歸附獨宇文仲和據城不下至是獨孤信襲擒之初張保欲殺州主簿令狐整以其人望恐失衆心雖外相敬內忌之整陽為親附因使人說保曰今東軍逼涼州彼勢孤危宜急分精銳以救之令狐廷係兼資文武使將兵以往茂不濟矣保從之整行及玉門召豪傑述係罪狀馳還襲之先克晉昌斬吳興進擊瓜州州人素信服整皆棄保來降保奔吐谷渾衆議推整為刺史整曰吾屬以張保逆亂恐闔州之人俱陷不義故相與討誅之今復見推是效尤也乃

推勅使者張道義行州事具以狀聞而帥宗族鄉里三千餘人入朝累遷侍中

集覽

涼州本匈奴休屠王地漢武帝置武威郡晉置涼州五代晉高居誨使于闐記自靈州過黃河行三千里始涉沙行四百餘里登沙嶺渡白亭河始至涼州今西涼州是在永昌路怡峯姓名本姓墨台氏後因避難改姓怡氏效尤效學尤過也謂彼作過而我效之也左傳鄭伯質寶涼州注見唐中宗景龍二年晉瓜州注同上年晉昌玉門關名注見漢武帝元鼎元年

秋七月梁禁用短錢

先是江東唯建康及三吳荆郢江湘梁益用錢其餘州郡雜以穀帛交廣專以金銀為貨梁自鑄五銖及女錢二品竝行禁諸古錢普通中更鑄鐵錢由是私鑄者多物價騰踊交易者至以車載錢不復計數又或以八十為百或以七十為百或以九十為百梁主患之乃下詔禁之而人不從錢陌益少

質實

三吳注見

至于季年遂以三十五為百云
晉安帝元興元年荆郢江湘梁益六州名荆注見漢獻帝建安十三年南郡郢注見漢後主建興七年武昌江注見晉明帝太寧二年潯陽湘注見漢獻帝興平二年長沙梁注見周赧王四年漢中益注見晉武帝泰始八年交廣二州名注見晉武帝太康元年五銖錢

名注見宋文帝元嘉三十年

八月梁以邵陵王綸為南徐州刺史

梁主年高諸子心不相下互相猜忌邵陵王綸為丹陽尹湘東王繹在江州武陵王紀在益州皆權侔人主太子綱惡之常選精兵以衛東宮出綸為南徐州刺史胡氏曰武帝從矜倫之道昧於君臣之義父子之恩義方不脩家政大壞已方臨御而諸子已有相圖之心不能知也綱若以幹蠱為任起敬起孝燮和兄弟則雖有急難外侮其禦矣莫親於兄弟尚且蓄兵以待之則非吾同氣者誰實可信嗚呼武帝不善保國重以簡文雖欲不亡

不可得也 **集覽** 矜倫之道梁武帝捨身於同泰寺

道是矜滅彝倫也故曰為佛之道者歸於矜滅倫理義方不脩謂不教子也左傳隱三年

衛莊公子州吁有寵而好兵公弗禁石碻諫曰臣聞愛子教之以義方弗納於邪注義以

方外所以制事之宜石碻言愛其子者當以義方教之外侮其禦詩常棣篇兄弟鬩于墻

外禦其務注鬩狠禦禁務侮也務如字爾雅務侮也讀者又音侮此從左傳及外傳之文

也文公傳曰兄弟設有不幸鬪狠于內然有外侮則同心禦之矣富辰曰兄弟雖有小忿

不廢 **質實** 邵陵國名注見晉武帝泰始十年丹陽郡名注見漢獻帝興平二年

金陵湘東國名注見宋文帝元嘉十六年衡陽東宮注同上二十七年南徐州注同上三

十年幹蠱易蠱卦初六幹父之蠱有子考無咎九三幹母之蠱不可貞注朱子曰幹如木

之幹及葉之所附而立者也蠱者前人已壞之事也

書法 梁云親在上而諸子已有爭心矣故其刺州也悉書之

東魏遷石經于 **質實** 石經注見漢靈帝熹平四年

凡五十二碑 **書法** 書尊經也綱目於石經屢書之是故立石經書漢靈帝熹平四年補石經

通鑑綱目卷之三十三 魏書 卷之三十三

書梁茂成元年魏遷石經書是年魏徙石經于洛陽書陳巳亥年周石經成書唐文宗開成

二年

魏以韋孝寬為并州刺史守玉壁 **質實** 并州注見齊明

帝建武三年玉壁城名注見大同八年

魏徙王思政為荊州刺史使之舉可代者思政舉孝寬宇文泰從之

梁討李賁敗之

李賁復帥眾自獠中出屯典徹湖眾軍憚之頓湖口不敢進陳霸先曰我師老而無援入

人心腹若戰不捷豈望生全今藉其屢奔人情未固正當共出百死決力取之無故停留時事去矣諸將皆莫應是夜江水暴起七丈注湖中霸先勒所部兵乘流先進眾軍鼓譟俱前賁眾大潰復竄獠中 **質實** 典徹湖未詳處所鼓譟注見宋文帝元嘉二十六年

冬十月梁以岳陽王譽為雍州刺史

梁主捨譽兄弟而立太子綱內常愧之寵亞諸子使迭為東揚州以慰其心譽兄弟亦內懷不平至是譽以梁主衰老朝多秕政遂蓄財下士招募勇敢左右至數千人以襄陽形勝梁業所基可圖大功乃克已為政撫循士民數施恩惠延納規諫所部稱治 **集覽**

通鑑綱目卷之三十三 梁書 卷之三十三 帝中大通五年 七十四

秕政言其政正誤秕政今按國語祁午為軍
繁如糠秕也尉軍無秕政韋昭註秕以

穀喻也又晉悼公曰其稟不材是穀不成也
其願出令將不敢不成韋昭註不敢為秕政

也集覽未當說文秕不成質實岳陽郡名注
粟也故以喻政之不成見太清二年

雍州注見漢獻帝建安十二年襄陽東揚州
注見漢和帝永元元年會稽襄陽縣名注見

宋明帝泰始元年

十一月東魏大丞相歡侵魏圍玉壁不克而還

東魏高歡悉山東之眾伐魏至玉壁圍而攻
之晝夜不息魏韋孝寬隨機拒之城內無水

汲於汾歡使移汾一夕而畢又於城南起土
山欲乘之以入孝寬縛木接樓以禦之歡鑿

地為十道孝寬掘長塹邀之每穿至塹輒擒
殺之塞柴投火以皮排吹之在地道內者亦

皆焦爛歡以攻車撞城孝寬縫布為幔隨其
所向懸空張之車不能壞歡又縛松麻於竿

灌油加火以燒布焚樓孝寬作長鈎遙割之
歡又於城四面穿地中施梁柱縱火燒之柱

折城崩孝寬隨處豎木柵以扞之敵不得入
城外盡攻擊之術而城中守禦有餘又奪據

其土山歡無如之何乃使祖珽說之使降孝
寬曰攻者自勞守者常逸孝寬關西男子必

不為降將軍也珽乃射募格於城中云能斬
孝寬者拜太尉封郡公孝寬題書背返射城



外云能斬高歡者准此東魏苦攻五十日士卒死者七萬人共為一家歡智力皆困因而發疾乃解圍去軍中訛言孝寬以定功弩射殺丞相歡聞之勉坐見諸貴使斛律金作敕勒歌自和之

集覽

汲於汾引水於井曰汲汾水注見周威烈王二十三年

哀感流涕

質實

年皮排排本作鞞音步拜反韋囊也所以扇火募格召募敢斬孝寬者之格例

東魏大將軍澄如晉陽

高歡病使太原公洋鎮鄴而徵澄赴晉陽

質實

太原郡名注見齊明帝建武三年并

州鄴縣名注見漢獻帝建安十五年
晉陽郡名注見周威烈王二十三年

魏度支尚書蘇綽卒

綽性忠儉常以喪亂未平為已任薦賢拔能紀綱庶政宇文泰推心任之或出遊常預署空紙以授綽有頃處分隨事施行綽嘗謂為國之道當愛人如慈父訓人如嚴師每與公卿論議自晝達夜事無巨細若指諸掌積勞成疾而卒泰深痛惜之謂公卿曰蘇尚書平生廉讓吾欲全其素志則恐悠悠之徒有所未達如厚加贈謚又乖宿昔相知之心何為而可令史麻瑀越次進曰儉約所以彰其美也泰從之歸葬武功載以布車一乘泰與羣

公步送之。醅酒言曰：爾知吾心，吾知爾志。方欲共定天下，遽捨吾去，柰何！因舉聲慟哭，不覺卮落。

集覽

悠悠之徒，列子楊朱篇老子曰：於手。

已注悠悠之人，專於求虛名而不知止。文中子曰：悠悠素餐者，天下皆是。

質實

紀綱

注見宋營陽王景平二年武功縣名。注見漢後王建興十二年。

丁卯 梁太清元年 魏大統十三年 春正月朔日食

不盡如鈞

發明

日食正日不盡如鈞，是殆侯景反叛梁國滅亡之兆歟。書以志之，謹天戒。

者可以觀矣

梁以湘東王繹為荊州刺史

初繹為荊州，有微過廬陵王續代之，以狀聞。至是續卒，繹聞之喜，入閣而躍。歷為之破梁。主復以繹刺荊州。

集覽

歷為之破，屨屨也。猶刺荊州。謝安屨齒之折也。

質實

州

注見漢獻帝建安十三年南郡廬陵郡名。注見晉安帝元興元年安成。

東魏大丞相渤海王高歡卒

歡性深密，終日儼然，人不能測。馭軍嚴肅，聽斷明察，雅尚儉素，刀劍鞍勒無金玉之飾。病

篤謂世子澄曰侯景專制河南十四年矣常有飛揚跋扈之志顧我能畜養非汝所能駕御也今四方未定勿遽發哀庫狄干斛律金並性道直終不負汝堪敵侯景者唯有慕容紹宗我故不貴之留以遺汝又曰朕孝先忠亮仁厚智勇兼備軍旅大事宜共籌之遂卒澄秘不發喪唯行

集覽

跋扈注見漢質帝本初元年道直遭慈秋

反勁 **質實** 渤海郡名注見晉穆健也 帝永和六年滄州

書法

賀華贊曰高歡自起兵書討爾朱氏既而即書自為丞相自為太師書廢

其王恭及朗自為大丞相爾朱既走即書遂據晉陽故雖殺兆綱目不書誅書殺而

隨以舉兵反書矣東魏既建首書自為相國假黃鉞加殊禮書遣其世子澄入鄴輔政其敵魏也再書為秦所敗再書圍玉壁不克其以勝書者拔金墉戰却山而已綱自於高歡 蓋無取焉

東魏大行高侯景以河南降魏

景右足偏短弓馬非其長而多謀筭諸將高敖曹彭樂等皆勇冠一時景常輕之嘗言於高歡願得兵三萬橫行天下要須濟江縛取蕭衍老公以為太平寺主歡使將兵十萬專制河南景素輕高澄嘗曰高王在吾不敢有異王没吾不能與鮮卑小兒共事矣及歡疾

篤澄詐為歡書以召景先是景與歡約曰今握兵在遠人易為詐所賜書背請加微點至是景得書無點辭不至又聞歡疾篤用其行臺郎王偉計擁兵自固歡卒遂以河南降魏魏以景為太傅大行臺景執豫襄廣州刺史潛遣兵襲西兗州刺史邢子才掩捕獲之因散檄東方諸州各為之備

質實

河南地名注見宋至昱元

高澄遣韓軌督諸軍討之
徽元年鮮卑小兒鮮卑東胡種名侯景以之諭高洋故云豫襄廣三州名豫注見秦王政六年壽春襄注見漢獻帝建安十二年襄陽廣注見秦始皇三十三年南海西兗州注見秦二世二年定陶

二月魏除宮刑

魏詔自今應宮刑者直沒官勿刑也男子割勢婦人幽閉其屬三百條詳見周禮

質實

事物紀原云宮刑五刑之一即古之淫刑

書法

書除宮刑何予權也肉刑自漢文帝始除之矣於是猶用宮刑魏之過也

綱目書除宮刑無聚辭蓋予之矣終綱目恤刑之政書除十詳漢惠帝四年

侯景復以河南叛附于梁梁封景為河南王遣

兵援之

景又遣郎中丁和奉表于梁請舉河南十三州內附梁主召羣臣廷議僕射謝舉等皆曰頃與魏和邊境無事不宜納其叛臣梁主曰機會難得豈宜膠柱先是正月乙卯梁主夢中原牧守皆以地來降且見朱异言之异曰此宇內混壹之兆也及丁和至稱業定計實以正月乙卯梁主愈禱之然意猶未決嘗獨言我國家如金甌無一傷缺今忽受景地詎是事宜脫致紛紜悔之何及朱异揣知梁主意對曰今景分魏土之半以來自非天誘其衷何以至此若拒而不納恐絕後來之望願陛下無疑梁主乃以景為大將軍封河南王都督河南北諸軍事遣司州刺史羊鴉仁督兗州桓和仁州湛海珍等將兵三萬趣懸瓠

以應之平西諮議周弘正善占候前此謂人曰國家數年後當有兵起及聞納景曰亂階在此矣胡氏曰夢固非一端武帝之夢想所生也然國家大計當以義理斷其可否豈有憑一夢而決者乎帝既不能自克朱异又諂以成之悲夫且正月丙午高歡卒而侯景以辛亥降西魏方圖豫襄廣兗等數州乙卯距辛亥纔四日豈暇定南歸之計丁和蓋已聞夢或朱异告之歟帝曾不察而益質實膠柱神其事蓋貪欲蔽心故莫能見也史畧周赧王五十五年秦攻趙趙使廉頗拒之秦人行反間云獨畏趙奢之子括為將耳趙王使括代頗藺相如曰王以名使括若膠柱而鼓瑟注膠黏膏說文膩也作之以皮考工記

注膠者謂煮用其皮或用角是已。柱瑟上鴈足所以游移上下以調聲也。蓋瑟二十五絃一絃一柱若以膠黏定其柱則不能調矣。言膠柱鼓瑟以喻執一而不通也。司州注見秦莊襄王元年三川羊鴉仁泰山鉅平人。兗州注見漢獻帝興平二年中原。注見唐玄宗天寶十五年懸瓠城名。注見漢光武建武十九年汝南。

書法

前書以河南降魏不書叛此其書叛何歸魏正也。背魏附梁則非正矣。故書叛然則曷為不書魏侯景景之心不純乎魏也。故書復以若曰既以降魏復以附梁其反覆可見矣。而愛之而封之是故魏受以景為大行臺不書梁封為河南王則書

譏貪也

發明

梁主喜納叛人蓋利心蔽之故逆順是否皆不能察卒受其禍。綱目上書景降魏而魏不為動此書景附梁梁即封以王爵遣兵援之下書魏召景入朝景不受命魏師乃還於此可見梁魏謀國得失之分豈有能叛其故主而不能叛其新君者哉。後世即綱目之所書驗梁氏之覆轍亦可為招納叛臣者之戒也。

三月梁主舍身於同泰寺 **考異**

捨上當有復字梁主至是三捨

身

質實

同泰寺注見中大同元年

發明

梁主捨身綱目凡三書于冊然其身猶在卒莫之捨捨於佛而佛不受未幾遂捨於侯景不惟捨其身且併其子孫家國捨之可哀也哉

○夏四月東魏大將軍澄如鄴

澄慮諸州有變乃自出巡撫因朝于鄴

東魏主與之宴澄起舞識者知其不終

鄴縣名注見漢獻

帝建安十五年

書法

鄴者何東魏所都也晉陽書如可也此其書如何澄不臣也是故竇憲不臣則不書朝書會漢和帝永元三年高澄不臣則不書朝書如是年綱目一字之筆

削嚴矣

六月東魏遣兵討侯景魏遣兵救之徵景入朝

景不受命魏師乃還

東魏高澄遣將軍元柱等將兵數萬襲景大敗景以梁羊鴉仁等軍猶未至乃退保潁川東魏復遣韓軌等兵圍之景懼割東荆北兗州魯陽長社四城賂魏以求救僕射于謹曰景少習兵姦詐難測不如厚其爵位以觀其變未可遣兵荆州刺史王思政以為不若因機進取即引兵自魯陽向陽翟宇文泰聞之遣太尉李弼儀同趙貴將兵赴潁川景恐梁

主責之。遣使奉啓曰：王旅未接，死亡交急，求援關中，自救目前，割棄四州，事非得已。其豫州以東，齊海以西，悉歸聖朝，事湏迎納。願敕境上，各置重兵，與臣影響，不使差互。梁主優詔報之。韓執等鬪魏師，將至，引兵還鄴。景欲因會執弼與貴而奪其軍，貴疑之，不往。欲誘景入營而執之，弼止之。羊鴉仁遣兵至汝水，弼等引兵還長安。王思政入據潁川，景引軍出屯懸瓠，復使乞兵於魏。宇文泰使同軌防主韋法保等將兵助之。左丞王悅言於泰曰：彼既能背德於高氏，豈肯盡節於朝廷？今益之以勢，援之以兵，竊恐朝廷貽笑將來也。泰乃召景入朝，景叛計未成，厚撫法保等。法保長史裴寬曰：侯景狡詐，必不入關，欲託款於

公恐未可信，若伏兵斬之，亦一時之功也。不爾，即應深為之防。法保然之，遂辭還鎮。王思政亦覺其詐，分布諸軍據景七州十二鎮。景果辭不入朝，泰乃召諸軍還，以思政都督河南諸軍事。景遂決意降梁，鴉仁遂入懸瓠。高澄以書諭景，使還許，以為豫州刺史而還其妻子。景不聽。

集覽 懸瓠縣名，屬汝南郡。同軌，防主同軌地名。防主官名。質實，潁川郡名。注見漢後主建興十年許昌東荆州名。注見齊武帝永明五年泚陽北兗州。注見秦二世二年。盱眙魯陽縣名。注見漢獻帝初平元年。長社縣名。注見漢光武建武八年。陽翟縣名。注見周安王二年。豫州。注見齊主寶卷永元二年。壽陽齊海。應劭曰：齊郡名。近

於東海故曰齊海注見漢桓帝永康元年汝水注見漢成帝綏和二年一統志云同軌城名在河南府城西南二百一里

書法

景前降魏不書叛不與東魏以河南也此其書討何降魏正也復叛附梁則景固可討矣故東魏得書討然則書救之非譏歟景既復附于梁魏方救之既徵不至然後乃還綱目辭繁不殺所以病魏而惡景也若謂以討書救為譏魏則失其旨矣

秋七月梁遣貞陽侯淵明督諸將侵東魏

梁主下詔大舉伐東魏欲以鄱陽王範為元帥朱异曰鄱陽雄豪盖世得人死力然所至殘暴非弔民之材且陛下昔登北顧亭謂江右有反氣骨肉為戎首今宜詳擇梁主曰會理何如對曰陛下得之矣遂以會理與貞陽侯淵明分督諸將會理庸懦驕倨不禮淵明淵明密告朱**集覽**會理南**質實**一統志云鄱异追還代之**康王名**陽古邑名春秋時為楚東境後屬吳戰國復屬楚秦置鄱陽縣屬九江郡漢為鄱陽餘汗鄒陽縣地屬豫章郡三國吳分豫章置鄱陽郡晉治廣晉縣梁兼置吳州陳廢隋廢鄱陽郡改置饒州以其物產豐饒故名大業初復為鄱陽郡唐初為饒州屬江南西道天寶初改鄱陽郡乾

元初復為饒州五代時南唐置永平軍宋仍為饒州隸江南東路元陞為饒州路屬江浙行省本朝初改為鄱陽府後改為饒州府隸江西道北顧亭未詳處所唯鎮江府治北有北顧樓未知是否又注見唐肅宗上元元年貞陽縣名未詳沿革唯汝寧府城南八十里有慎陽縣本漢所置東魏置義陽郡北齊省入保城縣隋廢保城置真丘縣後改曰真陽唐改曰淮陽尋復舊元省入息州未知是否明者察之

書法

梁嘗書伐東魏矣此則曷為以侵書受其叛人則固不足以伐人矣

發明

凡兵聲罪致討曰伐潛師入境曰侵今分注載梁主下詔大舉伐東魏而

綱目則以侵書之且又書正陽侯督諸將于上何哉夫以藩侯而總督大軍則非潛師入境明矣書法如此豈有說耶嘗觀於易師之六五為一卦之主其爻辭有曰田有禽利執言無咎所謂田有禽者若禽獸入于田中侵害禾稼則宜獵取之爾至於利執言者利在奉辭往伐明其罪以致討故得無咎此則執言之義也今侯景背叛其國歸魏而魏不納遂復挈地以附于梁是固彼之叛臣賊子在彼則失其境上若田之有禽所當致討而在梁則初無言可執今反大舉而往伐之斯師也其諸謂之何師哉夫舉以伐人之國而乃無名則是其氣已索然餒矣綱目循名責實以大舉

載於分注之下而以侵魏書於綱目之上所謂澄源正本反求在我無諸已而後可以非諸人之義也陋哉梁武何足以知此

東魏大將軍澄還晉陽自為都督中外諸軍錄

尚書事勃海王

高澄將歸晉陽以其弟洋為京畿大都督留鄴遂歸發喪東魏主贈歡相國齊王備九錫殊禮以澄為大丞相督中外錄尚書事澄辭丞相許之澄虛葬齊獻武王於漳水之西而潛鑿鼓山石窟佛頂之旁為穴納其柩而塞之殺羣匠及齊亡一匠之子知之發石取金

而質實京畿注見唐太宗貞觀五年九錫注見漢高

帝十年一統志云鼓山在彰德府武安縣南二十里一名滏山有二石如鼓南北相當冀州圖經鄴城西有石鼓鳴則兵起高齊之末此鼓嘗鳴而齊遂滅隋末鼓又鳴聲聞數百里而隋亡通鑑高澄虛葬歡於漳水之西而潛鑿鼓山石窟佛頂之旁為穴納其柩而塞之殺羣匠及齊亡一匠之子知之發石取金而逃即此

東魏大將軍澄入鄴幽其主於宮中殺侍讀荀

濟等而還



東魏主多力善射好文學時人以為有孝文風烈高澄深忌之始高歡自病逐君之醜事魏主禮甚恭事無大小必以聞可否聽旨每侍宴俯伏上壽魏主設法會乘輦行香歡執香爐步從鞠躬屏氣承望顏色及澄當國倨傲頓甚使崔季舒察魏主動靜澄嘗侍飲舉大觴屬魏主魏主不勝忿曰自古無不亡之國朕亦何用此生為澄怒罵使季舒拳毆魏主奮衣而出魏主不堪憂辱詠謝靈運詩曰韓亡子房奮秦帝魯連耻侍講荀濟知魏主意乃與祠部郎中元瑾華山王大器等謀誅澄於宮中作土山開地道向北城至千秋門門者覺之以告澄澄勒兵入宮見魏主不拜而坐曰陛下何意反魏主正色曰自古唯聞

臣反君不聞君反臣主自欲反何乃責我必欲弑逆緩速在王澄乃下牀叩頭大啼謝罪居三日幽魏主於含章堂烹濟等於市遂還晉陽初濟少居江東博學能文與梁主有布衣之舊知梁主有大志然負氣不服常謂人曰會於盾鼻上磨墨檄之梁主甚不平及即位或薦之梁主曰亂俗好反不可用也濟上書諫梁主崇信佛法塔寺奢費梁主大怒欲斬之朱異密告之濟逃奔東魏澄以為侍讀及敗下辯曰自傷年紀摧頽功名不立故欲挾天子誅權臣澄欲宥其死親問之曰荀公何意反濟曰奉詔誅高澄何謂反邪遂烹之

集覽

屏氣屏必郢反顏師古曰屏藏其氣息言懼之甚也韓亡子房奮秦帝魯連耻

注見宋文帝元嘉十年盾鼻質實華山注見盾食尹反兵器也所以蔽身

元十一年華州

書法 入惡辭也書入書幽其主書殺其等而還澄之凶醜可見矣

癸明 高歡逐君而終身北面事君盡禮正將以蓋其醜也然軍國大權在其掌

握雖有虛文何補於事前史載其鞠躬屏氣執香步從魏主以見其事上之恭豈知政由竊氏祭則寘人此正姦雄之尤者爾一傳而子遂著狂悖觀其詰責乃主顧謂何意而反君臣之分倒置如此是豈得於過庭之訓而然乎綱目書澄入鄴幽其主

於宮中其惡又浮於曹馬矣荀濟始謀誅澄而不得以死節書者謀之不得其道故止書殺而不去其官亦予之而不盡予者也其旨微矣

九月梁堰泗水以攻南魏之彭城冬十一月東

魏行臺慕容紹宗擊敗之獲蕭淵明考異提要

有師字

梁主命侍中羊侃與淵明堰泗水於寒山以灌彭城侯得彭城乃進軍與景犄角堰成東魏徐州刺史王則嬰城固守侃勸淵明乘水攻之不從諸將與議軍事淵明不能對但云

臨時制宜而已。東魏遣大都督高岳救彭城，欲以潘樂爲副。陳元康曰：「樂緩於機變，不如慕容紹宗。」且先王之命也，乃以紹宗爲東南道行臺，與岳樂偕行。景聞紹宗來，叩鞍有懼色。曰：「誰教鮮卑兒解遣紹宗來？若然，高王定未死邪？」紹宗帥衆十萬，據橐駝峴，羊侃勸淵明乘其遠來擊之，不從。侃乃帥所領出屯堰上。紹宗至，攻營，淵明醉不能起，諸將皆不敢出。兖州刺史胡貴孫獨帥麾下與戰，斬首二百。東魏兵敗走。初，景常戒梁人曰：「逐北勿過二里。」紹宗將戰，以梁人輕悍，恐其衆不能支，引將卒謂之曰：「我當陽退，誤吳兒使前爾擊其背。至是，梁人不用景言，乘勝深入，東魏將卒以紹宗之言爲信，爭掩擊之，梁兵大敗。淵

明、貴孫皆爲所虜，失亡士卒數萬人。羊侃結陳、徐、還、梁主聞之，驚駭，幾欲墜牀。歎曰：「吾得無復爲晉家乎？」初，高澄以杜弼爲軍司，問以政要，弼曰：「天下大務，莫過賞罰。賞一人，使天下之人喜；罰一人，使天下之人懼。二事不失，自然盡善。」澄大悅。至是，使弼作檄移梁朝畧，曰：「侯景以鄙俚之夫，遭風雲之會，位班三事，邑啓萬家，而離披不已，意亦可見。彼乃授之以利器，誨之以慢藏，使其勢得容姦，時堪乘便。終恐屈彊不掉，狼戾難馴。橫使江淮士子，荆揚人物，死亡矢石之下，夭折霧露之中。彼梁王者，輕險有素，老耄及之，用舍乖方，廢立戾所，矯情動俗，飾智驚愚，毒螫滿懷，妄敦戒業，躁競盈胷，謬治清淨，災異降於上，怨讟興

於下傳險躁之風俗任輕薄之子孫朋黨路
 開兵權在外必將禍生骨肉釁起腹心彊弩
 衝城長戈指闕徒探雀鷄無救府藏之虛空
 請熊蹯詎延晷刻之命外崩中潰今實其時
 其後梁室禍敗皆知弼言胡氏曰改過者帝
 王之盛節聖人之至教也梁武雖納侯景遣
 將出師既敗於魏人則懲創前非猶可及止
 豈至遽如西晉乎又況杜弼檄文指陳闕失
 雖涉詬詈而事理可推梁武若能虚心平氣
 反躬自責盡革弊政脩明軍紀選授將帥固
 江淮之險以堅守則雖侯景前驅高澄繼至
 猶不足慮而智不及此以至於亡豈梁德告
 終天實厭之歟

集覽

武二年橐駝峴山名也

峴胡甸反逐北注見周赧王三十一年位班
 三事三事三公也職位在三公之班列羣書
 考索曰漢時司馬主天司徒主人司空主土
 是謂三公南齊三公唯有太傅梁之三公復
 有七員注引杜佑通典云南齊時三公太傅
 而已梁有丞相太宰太傅太保大司馬大將
 軍太尉司徒司空開府儀同三司時梁以侯
 景為大將軍故曰位班三事離披正義曰離
 披散亂貌猶言猖披離騷經何桀紂之昌被
 兮注昌與猖同被與披同竝音匹皮反文公
 集註猖披衣不帶之貌授之以利器注見漢
 後王建興七年信國家之利器誨之以慢藏
 易繫辭上慢藏誨盜注藏音才浪反謂人有
 貨財而輕慢其所收藏則是教人以盜取之

也。屈彊注見漢高帝十一年。狼戾前漢嚴助傳。狼戾不仁。顏師古曰。狼性貪而暴戾。凡言狼戾。謂貪而戾也。徒探雀鷄。探他舍反。摸取也。鷄丘。侯反。烏子生而須哺者也。戰國趙故太子章作亂。公子成李兌起兵距章。章敗走。主父成先因圍主父宮。獲章殺之。乃遂圍主父。主父欲出不得。探雀鷄而食之。三月餘。餓死。事在周赧王二十年。空請熊蹯。熊野獸。似豕而大。蹯音煩。獸足謂之蹯。熊蹯。熊掌也。埤雅云。熊當心白脂如玉。俗呼熊白。好舉木引氣。謂之熊經。其美在掌。左傳文元年。楚成王欲立王子職。而黜太子商。臣商臣以官甲圍成王。王請食熊蹯而死。弗聽。王遂縊。杜預注云。熊蹯難熟。冀久將有外救至也。今杜弼檄

文故云假餘息於熊蹯耳

質實

羊侃秦山梁文人泗水注見秦始皇二十八年一統

志云寒山堰名在徐州城東南一十八里。梁蕭淵明伐魏堰泗水以灌彭城。即此徐州注見秦始皇二十八年彭城。麾下注見漢獻帝建安十四年檄注見楚義帝元年

書法

攻未有書方畧者。秦書決河溝。丙子年重開河隙也。此泗水耳。其書何病

梁也。梁嘗堰淮以攻壽陽矣。得不償失。綱目於其三築削之不書。於是遣攻彭城計復出此而竟無所益。故特書譏之。

十二月梁立元貞為咸陽王

侯景遣王偉說梁主曰高澄幽元善見於金墉殺諸无六十餘人河北物情俱念其主請立元氏一人以從人望如此則陛下有繼絕之名臣景有立功之效梁主然之以太子舍人元貞為咸陽王資以兵力使還主魏貞度江即位儀衛以乘輿之副給之貞樹之子也

質實

金墉城名注見魏元帝咸熙二年

侯景敗東魏兵於渦陽

慕容紹宗引軍擊侯景景輜重數千兩馬數千匹士卒四萬人退保渦陽紹宗士卒十萬旗甲耀日鳴鼓長驅而進景命戰士皆被短甲執短刀入東魏陳但低視斫人脛馬足東

魏兵遂敗紹宗奔譙城其裨將斛律光張恃顯尤之紹宗曰吾戰多矣未見如景之難克者也君輩試犯之光等被甲將出紹宗戒之曰勿渡渦水二人軍於水北光輕騎射之景謂光曰爾求勳而來我懼死而去我汝之父友何為射我汝豈自解不度水南慕容紹宗教汝也光無以應景使其徒田遷射光馬洞胷光易馬隱樹又中之退入於軍景擒恃顯而捨之光走入譙城紹宗曰今定何如而尤我也段韶潛於上風縱火景帥騎入水出而却走草濕

質實


渦陽縣名注見晉懷帝永嘉五年蒙城譙城郡名注見漢

火不復然
獻帝建安十五年譙渦水注見漢後
王建興三年段韶姑臧人榮之子

魏以鄭穆為京兆尹

魏岐州久經亂刺史鄭穆初到有戶三千穆撫循安集數年至四萬餘戶考績為諸州之最宇文泰擢質實岐州注見周顯王八年京兆郡名注見唐玄宗開元

十一年



治通鑑綱目卷之三十三終

